

五代史記注

五代史記卷第十一上

廬陵歐陽脩撰

徐無黨原注

南昌彭元瑞注

劉鳳誥排次

周本紀第十一

太祖聖神恭肅文武孝皇帝

五代史纂誤今按世宗紀云聖神文武恭肅孝皇帝

二者不同姓郭氏邢州堯山人也

五代史會要周太祖聖神恭肅文武孝皇帝

未知孰是姓郭氏諱威追冊章肅皇帝長子母追冊章德皇后王氏唐天祐元年七月二十八日生于邢州堯山之舊宅

以其日爲永壽節

父簡事晉爲順州刺史劉仁恭攻破順州簡

見殺子威少孤依潞州人常氏

五代史太祖聖神恭肅文武孝皇帝姓郭氏諱

威字文仲邢州堯山人也或云本常氏之子幼隨母適郭氏故冒其姓焉高祖諱璟廣順初追尊爲睿和皇帝

廟號信祖陵曰溫陵高祖妣張氏追諡睿恭皇后曾祖諱諶漢贈太保追尊爲明憲皇帝廟號僖祖陵曰齊陵曾祖妣鄭國夫人申氏追諡明孝皇后祖諱蘊漢贈太傅追尊爲翼順皇帝廟號義祖陵曰節陵祖妣陳國夫人韓氏追諡翼敬皇后皇考諱簡漢贈太師追尊爲章肅皇帝廟號慶祖陵曰欽陵皇妣燕國夫人王氏追諡爲章德皇后以唐天祐元年甲子歲七月二十八日生帝于堯山之舊宅載誕之夕赤光照室有聲如爐炭之裂星火四迸帝生三歲家徙太原居無何皇考爲燕軍所陷歿于王事帝未及髫髻章德太后蚤世嫡母楚國夫人韓氏提攜鞠養及長形神魁壯趣向奇崛愛兵好勇不事田產潞州留後李繼韜

募勇敢士爲軍卒威年十八以勇力應募爲人負氣好使酒繼韜特奇之威嘗游于市市有屠者常以勇服其市人威醉呼屠者使進几割肉割不如法叱之屠者披其腹示之曰爾勇者能殺我乎威卽前取刀刺殺之一

市皆驚威頗自如爲吏所執繼韜惜其勇陰縱之使亡

已而復召置麾下

五代史天祐末潞州節度使李嗣昭常山戰歿子繼韜自稱留後南結梁

朝據城阻命乃散金以募豪傑帝時年十八避吏過關依故人常氏遂往應募帝負氣用剛好鬪多力繼韜奇之或踰法犯禁亦多假借焉嘗遊上黨市有市屠壯健衆所畏憚帝以氣凌之因醉命屠割肉小不如意叱之屠者怒坦腹謂帝曰爾敢刺我否帝卽繼韜叛晉附于軻其腹市人執之屬吏繼韜惜而逸之

梁後莊宗滅梁繼韜誅死其麾下兵悉隸從馬直

五代史其

年莊宗平梁繼韜伏誅麾下牙兵配從馬直帝在籍中時年二十一威以通書算補爲軍

吏好讀聞外春秋畧知兵法後爲侍衛軍吏漢高祖爲

侍衛親軍都虞候尤親愛之

五代史帝性聰敏喜筆劄及從軍旅多閱簿書軍志

戎政深窮緊肖人皆服其敏嘗省昭義李瓊瓊方讀圖外春秋卽取視之曰論兵也兄其教我卽授之深通義

理天成初明宗幸浚郊時朱守殷嬰城拒命帝從晉高祖一軍率先登城晉祖領副侍衛以帝長于書計召置麾下令掌軍籍前後將臣無不倚愛初聖穆皇后嬪于帝帝方匱乏而後多資從常晝寢有小虺五色出入額鼻之間后遽見愕然在太原時有神尼與帝同姓見帝謂李瓊曰我宗天大仙頂上有肉角常爲世界主清泰末晉起于河東時河陽節度使張彥琪爲侍衛步軍都指揮使奉命北伐帝從之營于晉祠是時屋壞同處數人俱斃唯帝獨無所傷漢高祖爲侍衛馬步都虞候召置左右所居官舍之鄰吳氏有青衣佳娘者爲山魃所魅鬼能人言而投瓦石鄰伍無敢過吳氏之舍者帝過之其鬼寂然帝去如故如是者再或謂鬼曰爾旣神向者客來又何寂然鬼曰彼大人者繇是軍中異之范延光叛于魏命楊光遠討之帝當行意不願從或謂帝曰楊公當朝重勳子不欲從何也帝曰楊公後高祖所素無英雄氣得我何用能用我其劉公乎

臨鎮常以威從五代史漢祖累鎮藩閫皆從之及鎮井門尤深待遇出入帷幄受腹心之寄帝

亦悉心竭力知無不爲及吐渾白可久叛入契丹帝勸漢祖誅白承福等五族得良馬數千匹財貨百萬計以

資契丹滅晉漢高祖起兵太原卽皇帝位拜威樞密副

使五代史開運末契丹犯闕晉帝北遷帝與蘇逢吉楊邠史宏肇等勸漢祖建號以副人望漢高祖卽位晉

陽時百度草創四方猶梗經綸締構帝有力焉授樞密副使檢校司徒漢高祖至汴正授樞密副使檢校太

保乾祐元年正月高祖疾大漸以隱帝託威及史宏肇

等隱帝卽位拜威樞密使五代史乾祐元年春漢高祖不豫及大漸與蘇逢吉等同

受顧命隱帝嗣位拜樞密使加檢校太尉舊制樞密使未加使相者不宣麻制至是宣之自帝始也五代史

補高祖之爲樞密使也每出入常恍然覩人前導狀若臺省人吏其服色一緋一綠高祖以爲不祥深憂之及

河中鳳翔永興等處反詔命高祖征之一舉而三鎮瓦解自是權傾天下論者以爲功高不賞郭氏其危乎高

祖聞而恐懼居無何忽覩前導者服色緋者改紫綠者改緋高祖心始安曰彼二人者但見其升不見其降吉

兆也未幾遂爲是歲三月河中李守貞永興趙思綰鳳三軍所推戴

翔王景崇相次反隱帝遣白文珂郭從義常思等分討之
久皆無功隱帝謂威曰吾欲煩公可乎威對曰臣不敢
請亦不敢辭惟陛下命乃加拜威同中書門下平章
事使西督諸將五代史有頃河中李守貞據城反朝廷
守貞河陽一客司耳竟何能為帝曰守貞雖不習戎行
然善接英豪得人死力亦勅敵宜審料之乃命白文珂
常思率兵攻取師未至而趙思綰竊據永興王景崇反
狀亦露朝廷遣郭從義王峻討趙思綰七月西面師徒
大集未果進取其月十三日制授帝同平章事即遣西
征以安慰招撫為名詔四面諸軍並取帝節度時論以
白文珂常思非守貞之敵聞帝西行羣情大慙五代
史補周太祖在漢隱帝朝為樞密使將兵伐河中李守
貞時馮道守太師不與朝政以請告周祖謁道于私第
問伐蒲策道辭以不在其位不敢議國事周祖固問之
道不得已謂周祖曰相公頗知博乎時周祖始兼平章
事周祖微時好蒲博屢以此抵罪疑道譏已勃然變色

道曰是行亦猶博也夫博財多者氣豪而勝財寡者心怯而輸守貞在晉累典禁兵自謂軍情附己遂謀反耳今相公誠能不惜官錢廣施惠愛明其賞罰使軍心許國則守貞不足慮也周祖曰恭聞命矣故伐蒲之役周祖以便宜從事卒成大功威居軍中延見賓客褒衣博然亦軍旅歸心終移漢祚

帶臨陣行營幅巾短後與士卒無異上所賜予與諸將會射恣其所取其餘悉以分賜士卒將士皆懽樂威至

河中柵其城東

五代史補高祖征李守貞軍次河上高祖慮其爭濟臨岸而諭之未及坐忽有

羣鴉噪于上高祖退十餘步引弓將射之矢未及發而岸崩其壘裂之勢在高祖足下高祖棄弓顧羣鴉而笑曰得非天使汝驚動吾耶如此則李守貞思柵其南文不足破矣于是三軍欣然各懷鬪志矣

珂柵其西調五縣丁二萬人築連壘以護三柵諸將皆以謂守貞窮寇破在旦夕不宜勞人如此威不聽已而

守貞數出兵擊壞連壘威輒補之守貞輒復出擊每出必有亡失久之城中兵食俱盡威曰可矣乃治攻具爲期日四面攻之破其羅城守貞與妻子自焚死思綰景崇相次降五代史八月六日帝發離京師二十日師至河中命白文珂營于河西帝營于河東不數日周設長塹復築長連城以逼之帝在軍居常接賓客與大將譙語卽袞衣博帶或遇巡城壘對陣敵幅巾短後與衆無殊臨矢石冒鋒刃必以身先與士伍分甘共苦稍立功効者厚其賜與微有傷瘕者親爲循撫士無賢不肖有所陳啟溫顏以接俾盡其情人之過忤未嘗介意故君子小人皆思効用守貞聞之深以爲憂十二月帝以蜀軍屯大散關卽親率牙兵往鳳翔永興相度將發謂白文珂劉詞曰因獸猶關當謹備之帝至華州聞蜀軍退敗遂還二年正月五日夜李守貞遣將王三鐵領千餘人夜笑河西砦果爲劉詞等力戰敗之先是軍中禁酒帝有愛將李審犯令斬之以徇五月九日攻河西砦賊將周光遜以砦及部衆千餘人來降十七日

下令攻城會西北大風揚沙晦冥帝令禱河伯祠莫訖而風止自是晝夜攻之七月十三日帝率三若將士奪賊羅城二十一日城陷守貞舉家自焚而死帝前夢河神告曰七月下旬上帝當滅守貞之族至是收復賊壘城中人言見帝營上有紫氣如樓閣華蓋之狀冊府元龜周太祖乾祐中爲樞密使漢隱帝以河中李守貞叛命詔帝自往用兵帝既奉命與白文珂常思劉詞約以八月二十二日文珂自同州常思自潼關帝自分陝三道並進將臨賊城揚旗伐鼓聲殷天地步騎踊躍賊視之失色白文珂是日奪得關城立河西若常思立城南若帝立城東若初徵發諸州夫二萬餘分地起長連城諸將敗曰守貞窮寇安能持久不勞塹地策以守之帝曰軍法備不虞兵勢有盈竭蜂蠆有毒而况賊乎退謂白文珂劉詞曰二公老于軍中不言可知守貞自慙反覆常謀背叛畏懼先帝不敢鴈張謂我輩勃興太原事功未著而有輕我之志又聞身到河中便圖自固散金以結豪傑厚利以誘荏蒹蒲山林羣兇豬突狶勇安得不爲吾患加以城關百倍十圍五攻若驅卒徒赴湯火則所傷多矣若長墉巨壑飛走無門俟其倉廩家財散盡不唯烏合之衆父子安能相保此時梯衝逼脅書檄

招呼違禍脫身不呼自至所言兵勢盈竭此之是也當分地配天速立垣地以謀持久後思吾言必如此料

隱帝勞威以玉帶加檢校太師兼侍中威辭曰臣事先帝見功臣多矣未嘗以玉帶賜之因言臣幸得率行伍假漢威靈以破賊者豈特臣之功皆將相之賢有以安朝廷撫內外而饋餉以時故臣得以專事征伐隱帝以威爲賢于是悉召楊邠史宏肇蘇逢吉禹珪竇貞固王章等皆賜以玉帶威乃受又推功大臣請加爵賞于是加貞固司空逢吉司徒禹珪邠左右僕射已而又曰此特漢廷親近之臣耳漢諸宗室天下方鎮外暨荆浙湖南皆未及也由是濫賞遍于天下

五代史二年八月五日帝自河中班師其

月二十七日入朝漢帝命升階撫勞酌御酒以賜之錫
賚優厚翼日漢帝議賞勲欲兼方鎮帝辭之乃止帝以
出征時廳子都七十三人具籍獻之是冬契丹寇邊威
九月五日制加檢校太師兼侍中

以樞密使北征至魏州契丹遯三年二月師還五代史

丹入寇前鋒至邢洺貝魏河北告急帝受詔率師赴北
邊以宣徽南院使王峻為監軍其月十九日帝至邢州
遣王峻前軍趨鎮定時契丹已退帝大四月拜威鄴都
閔欲臨寇境詔止之三年二月班師

留守天雄軍節度使仍以樞密使之鎮宰相蘇逢吉以
謂樞密使不可以藩鎮兼領與史宏肇等固爭久之卒

以樞密使行詔河北諸州皆聽威節度五代史三月十

留守樞密使如故時漢帝以北戎為患委帝以河朔之
任宰相蘇逢吉等議藩臣無兼樞密使例史宏肇以帝
受任之重苟不兼密務則難以便宜從事竟從宏肇之
議詔河北諸州凡事一禀帝節度帝將北行啟漢帝曰

陛下富有春秋萬幾之事宜審于聽斷文武大臣乃心
王室凡事諮詢卽無敗失漢帝敘容謝之帝至鄴盡去
煩弊之事不數月閭政有序一方安然詔書褒美一夕
在山亭院齋中忽有黃氣起于前上際于天帝于黃氣
中見星文紫微文昌爛然在目既而告之星者曰予于
室中見天象不其異乎對曰坐見天衢物不能隔至貴
之祥也異日牙署中有紫氣起于幡竿龍首凡三日
五代會要漢乾祐三年四月授鄴都留守兼樞密使

隱帝與李業等謀已殺史宏肇等詔鎮寧軍節度使李

宏義殺侍衛步軍指揮使王殷于澶州又詔侍衛馬軍

指揮使郭崇殺威及宣徽使王峻于魏

東都事畧郭崇應州金城人也

初名崇威避周太祖諱止稱崇弱冠以勇力應募爲卒後唐清泰中爲應州騎軍都校晉高祖割雲應地入于契丹崇耻臣於虜挺身南歸爲騎軍都校仕漢至果州團練使護聖右廂都指揮使從周太祖入平國難與李筠拒慕容彦超于留子陂走之以崇補侍衛馬軍指揮使時遣馮道迎湘陰公贊于徐州將立之會契丹入寇

周太祖北征次澶州軍變樞密使王峻遣崇率七百騎拒贊遇于睢陽崇曰澶州兵變遣崇來衛乘輿非有它也具言軍情有屬天命已定贊執崇手而泣崇即送贊就館崇仕周爲陳州節度使同平章事世宗親征太原副符彥卿將行營之師軍還加侍中移鎮成德世宗征淮甸契丹萬騎掠邊境崇帥師破之于束鹿斬首數百級俘人口牛羊三萬餘

詔書先至澶州宏義恐事不果反以詔書示殷殷與宏義遣人告威已而詔殺威峻使者亦馳騎

至威匿詔書召樞密使院吏魏仁浦謀于卧内東都事畧魏仁

浦字道濟衛州汲人也少爲刀筆吏隸樞密院周太祖爲樞密使問以卒乘數仁浦對曰帶甲者六萬太祖喜曰天下事不足憂也漢隱帝遣使害太祖仁浦曰公有大功于朝廷握彊兵臨重鎮以譏見疑豈可坐而待斃教以易其語云誅將士以激怒衆心太祖納其言遂長驅渡河及卽位以爲樞密承旨世宗時爲樞密副使陞樞密使拜中書侍郎同中書門下平章事集賢殿大學士兼樞密使始議者以仁浦不由科第進世宗曰顧才

如何爾遂用之恭帝
嗣位加刑部尚書
仁浦勸威反教威倒用留守印更

爲詔書詔威誅諸將校以激怒之將校皆憤然效用十

一月丁丑威遂舉兵渡河
五代史十一月十四日澶州
節度使李洪義侍衛步軍都

指揮使王殷遣澶州副使陳光穗至鄴都報京師有變
是月十三日旦羣小等害史宏肇等前一夕李業等遣

腹心賁密詔至澶州令李洪義殺王殷又令護聖左廂
都指揮使郭崇等害帝于鄴城十三日洪義受得密詔

恐事不濟乃以密詔示王殷殷與洪義卽遣陳光穗馳
報于帝十四日帝方與宣徽使王峻坐議邊事忽得洪

義文字遽歸牙署峻亦未知其事帝初知楊史諸公被
誅神情惘然又見移禍及己伸訴無所卽集三軍將校

諭之曰予從微至著輔佐國家先皇登遐親受顧託與
楊史諸公彈壓經謀忘寢與食一旦無狀盡已誅夷今

有詔來取予首級爾等宜奉行詔旨斷予首以報天子
各圖功業且不累諸君也崇等與諸將校泣于前言曰

此事必非聖意卽是左右小人誣罔竊發假令此輩握
重柄國得安乎宜得投論以判忠佞何事信單車之使

而自棄千載之下空受惡名崇等願從明公入朝面自
洗雪除君側之惡其安天下衆然之遂請帝南行帝卽
嚴駕首途十六日至澶州王殷迎謁慟哭隱帝遣開封尹侯益保大軍節度
使張彥超五代史張彥超本沙陀部人也素有郤克之疾時號爲跛子初以騎射事唐莊宗爲馬直
軍使莊宗入汴授神武指揮使明宗嘗以爲養子天成
中擢授蔚州刺史素與晉高祖不協屬其總戎于太原
遂舉其城投于契丹卽以爲雲州節度使契丹之南侵
也彥超率部衆頗爲鎮魏之患及契丹入汴遷侍衛馬
軍都校尋授晉昌軍節度使漢高祖入洛彥超飛表輸
誠移授保大軍節度使乾祐初奉詔歸闕止奉朝請而
已太祖自鄴入平內難隱帝令彥超董騎軍爲拒劉子
陂兵亂彥超先謁見太祖廣順中授神武統軍顯德三
年冬以疾終于第制贈太子太師客省使閻晉卿等率兵拒威又遣內
養鷲脫覘威所嚮鷲脫爲威所得威乃附脫奏請縛李
業等送軍中隱帝得威奏以示業等業等皆言威反狀

已白乃悉誅戚家屬于京師庚辰威至滑州義成軍節

度使宋延渥叛于漢來降壬午犯封邱甲申及泰寧軍

節度使慕容彦超戰于劉子陂

五代史纂誤今按隱帝紀乃是甲申其辰字誤

也

宋本誤

彦超敗奔于兗州郭允明反弑隱帝于

趙村

五代史時隱帝遣小豎驚脫偵鄴軍所在為游騎所執帝即遣迴令附奏隱帝赴闕之由仍以密奏

置驚脫衣領中奏曰臣發迹寒賤遭遇聖明既富且貴

是過平生之望唯思報國敢有他圖今奉詔命忽令臣

崇等殺臣即時侯死而諸軍不肯行刑逼臣赴闕令臣

請罪上前仍言致有此事必是陛下左右譖臣耳今驚

脫至此天假其便得伸臣心三五日當及闕朝陛下若

以臣有欺天之罪臣豈敢惜死若寔有譖臣者乞陛下

縛送軍前以快三軍之意則臣雖死無恨今託驚脫附

奏以聞十七日帝至滑州節度使宋延渥開門迎納帝

將發滑臺召將士謂之曰主上為讓邪所惑誅殺勲臣

吾之此來事不獲已然以臣拒君寧論曲直汝等家在

京師不如奉行前詔我以一死謝天子寔無所恨將校
前啟曰國家負公公不負國請公速行無遲人安邦雪
怨正在此時既王峻論軍曰我得公處分俟平定京城
許爾等旬日剽掠衆皆踴躍十九日隱帝遣左神武統
軍袁義前鄧州節度使劉重進率禁軍來拒與前開封
尹侯益等屯赤岡是夜俱退二十日隱帝整陣于劉子
陂二十一日兩陣俱列慕容彥超率軍奮擊帝遣何福
進王彥超李筠等大合騎以乘之慕容彥超退却死者
百餘人于是南軍奪氣稍稍奔于北軍慕容彥超與數
十騎東奔兗州吳虔裕張彥超等相繼來見帝是夜侯
益焦繼勳潛至帝營帝慰勞遣還二十二日旦郭允明
弑漢隱帝于北郊初官軍之敗帝謂宋延渥曰爾國親
可速往衛主于兼附奏請陛下得便速奔臣來免爲左
右所圖及延渥至亂兵雲合卽惶駭而還是旦帝望見
天子旌旗于高坡之上謂隱帝在其下卽免胄釋馬而
前左右慮有不測請帝止帝泣曰吾君在此又何憂焉
及至前隱帝已去矣帝欷歔久之俄聞隱帝遇弑號慟
不已通鑑考異隱帝寔錄丁丑孟業至澶州戍寅鄴
兵至河上己卯吳虔裕入朝庚辰詔侯益等赴澶州守
捉鄴軍獲驚脫又云庚辰郭諱次滑州宋延渥納軍辛

已驚脫還宮周太祖實錄十四日陳光穗至翌日遵路
明日遇驚脫云見召侯益等令守澶州十六日趣滑臺
十七日賞諸軍令奉行前詔十八日自滑而南又實錄
帝至元化門劉銖射帝左右帝迴詣西北郭允明露又
隨後西北至趙村前鋒已及亂兵騰沸上懼下馬
入于民室郭允明知事不濟乃抽刃犯蹕而崩丙戌
威入京師縱火大掠五代史帝至元化門劉銖雨射城
烟火四發帝止于舊第何福進以部下兵守明德門翼
日王殷郭崇言曰若不止剽掠比夜化為空城耳由是
諸將部分斬其戊子率百官朝太后于明德門請立嗣
剽者至哺乃定君太后下令文武百寮六軍將校議擇賢明以承大統
庚寅威率百官詣明德門請立泰寧軍節度使贊爲嗣
遣太師馮道迎贊于徐州辛卯請太后臨朝聽政以王
峻爲樞密使翰林學士尙書兵部侍郎范質爲副使
五代

史帝與王峻詣太后宮起居請立嗣君乃以高祖姪徐
州節度使贊入繼大統語在漢紀二十七帝以嗣君
未至請太后臨朝東都事畧范質字文素大名宗城
人也母張氏夢人授五色筆而質生九歲善屬文唐長
興中舉進士爲忠武軍推官晉天福中懷其文見宰相
桑維翰維翰奇之擢監察御史稍遷主客員外郎直史
館召入翰林爲學士契丹入寇晉出帝命十五將出征
是夕質宿直出帝命諸學士分草制質曰宮城已閉慮
世機事遂獨爲之辭理優贍當時文士皆歎伏周太祖
征李守貞每朝廷遣使齎詔處分軍事皆中機會太祖
問誰爲此辭使者以質對太祖曰宰相器也太祖起兵
入京師遽令草太后詔及議迎湘陰公儀注乃白太后
以質爲兵部侍郎樞密副使周廣順初拜中書侍郎同
中書門下平章事集賢殿大學士兼參知樞密院事世
宗時累加司徒宏文館大十二月甲午朔威北伐契丹
學士恭帝卽位封蕭國公
軍于滑州癸丑至澶州而旋五代史會鎮定州馳奏契
丹入寇河北諸州告急太
后命帝北征十二月一日帝發離京師四日至滑州駐
馬數日會湘陰公遣使慰勞諸將受宣之際相顧不拜

皆竊言曰我輩陷京師各各負罪若劉氏復立則無種
矣或有以其言告帝者帝愕然卽時進途十六日至澶
州是日旭旦日邊有紫氣來常帝之馬首十九日下令
諸軍進發二十日諸軍將士大譟趨驛如牆而進帝閉
門拒之軍士登牆越屋而入請帝爲天子亂軍山積登
階匝陛扶抱擁迫或有裂黃旗以被帝體以代赭袍山
呼震地帝在萬衆之中聲氣沮喪悶絕數四左右親衛
星散竄匿帝卽登城樓稍得安息諸軍遂擁帝南行時
河水初解浮梁未構是夜北風凜烈比旦冰堅可渡
諸軍遂濟衆謂之凌橋濟竟冰泮時人異之王峻

遣郭崇以騎兵七百逆劉贊于宋州殺之其將鞏延美

楊溫爲贊守徐州

五代史時湘陰公已駐宋州樞密使王峻在京間澶州之變遣侍衛馬軍

指揮使郭崇率七百騎赴宋州以衛湘陰公

五代史

補郭忠恕七歲童子及第富有文學尤工篆隸嘗有人

於龍山得鳥跡篆忠恕一見輒誦如宿習乾祐中湘陰

公鎮徐州辟爲推官周祖之入京師也少主崩于北崗

周祖命宰相馮道迎湘陰公將立之至宋州高祖已爲

三軍推戴忠恕知事變乃正色責道曰令公累朝大臣

誠信著于天下四方談士無賢不肖皆以爲長者今一
旦返作脫空漢前功業並棄令公之心安乎道無言對
忠恕因勸湘陰公殺道以奔河東公猶豫未決遂及于
禍忠恕竄跡久之晚年尤好輕忽卒以此敗坐除名配
焉戊午次臯門漢宰相竇貞固蘇禹珪來勸進庚申太

后制以威監國

五代史二十五日帝至七里店羣臣謁見遂營于臯門村二十七日漢太后令

日樞密使侍中郭威以英武之才兼內外之任翦除禍
亂宏濟艱難功業格天人望冠世今則軍民愛戴朝野
推崇宜總萬幾以允羣議可監國中外庶事並取監國
處分二十八日監國教曰寡人出自軍戎本無德望因
緣際會叨竊寵靈高祖皇帝甫在經綸待之心腹泊登
大位尋付重權當顧命之時受忍死之寄與諸勲舊輔
立嗣君旋屬三叛連衡四郊多壘謬膺朝旨委以專征
兼守重藩俾當勅敵敢不橫身戮力竭節盡心冀肅靜
于疆場用保安于宗社不謂姦邪構亂將相連誅偶脫
鋒鏑克平患難志安劉氏願報漢恩推擇長君以紹不
構遂奏太后請立徐州相公奉迎已在于道途行李未
及于都輦尋以北面事急敵騎深侵遂領師徒徑往掩

襲行次近鎮已渡洪河十二月二十日將發澶州軍情忽變旌旗倒指喊叫連天引袂牽襟迫請為主環繞而逃避無所紛紜而逼脅愈堅頃刻之間安危莫保事不獲已須至徇從于是馬步諸軍擁至京闕今奉太后誥旨以時運艱危機務難曠但令監國遜避無由僂俛遵承夙夜憂愧云時文武百官內外將帥藩臣郡守等相繼上表勸進三十日夜御營西北隅步軍將校因醉揚言昨澶州馬軍扶策今夜步軍亦欲扶策尋令虞候詰其姓名味旦擒而斬之其一軍仍納甲仗遣中使監送就糧所通鑑壬戌夜監國營有步兵將校醉揚言邠者澶州騎兵扶立今步兵亦欲扶立監國斬之

廣順元年春正月丁卯皇帝卽位五代會要乾祐三年十二月二十七日監

國廣順元年正月五日卽大赦改元國號周己巳上漢

太后尊號曰昭聖皇太后戊寅漢劉崇自立于太原原注

吳蜀諸國自立皆絕而不書此書與其不屈于周語在十國年譜論己卯馮道爲中書令

五代史廣順元年春正月丁卯漢太后詔曰遠古已來
受命相繼是不一姓傳諸百王莫不人心順之則興天
命去之則廢昭然事迹著在典書予否運所丁遭家不
造姦邪構亂朋黨橫行大臣冤枉以被誅少主倉卒而
及禍人自作孽天道寧論監國威深念漢恩切安劉氏
既平亂畧復正顏綱思固護于基局擇繼嗣于宗室而
獄訟盡歸于西伯謳謠不在于丹朱六師竭推戴之誠
萬國仰欽明之德鼎革斯契圖錄有歸予作家賓固以
爲幸今奉符寶授監國可卽皇帝位於戲天祿在躬神
器自至允集大命永綏兆民敬之哉是日帝自阜門入
大內御崇元殿卽皇帝位制曰自古受命之君與邦建
統莫不上符天意下順人心是以夏德旣衰爰啟有商
之祚炎風不競肇開皇魏之基朕早事前朝久居重位
受遺輔政敢忘伊霍之忠仗鉞臨戎復委韓彭之任匪
躬盡瘁焦思勞心討叛渙于河潼張聲援于岐雍竟平
大憝粗立微勞纔旋旆于關西尋統兵于河朔訓齊師
旅固護邊郵只將身許國家不以賊遣君父外憂少息
內患俄生羣小連謀大臣遇害棟梁旣壞社稷將傾朕
方在藩維以遭讒構逃一生于萬死徑赴闕庭梟四罪
于九衢幸安區宇將延漢祚擇立劉宗徵命已行軍情

忽變朕以衆庶所迫逃避無由扶擁至京尊戴爲主重
以中外勸進方岳推崇僊俛雖順于羣心臨御寔慙于
涼德改元建號祇率于舊章革故鼎新宜覃于需澤朕
本姬室之遠裔號叔之後昆積慶累功格天光表盛德
旣延于百世大命復集于眇躬今建國宜以大周爲號
可改漢乾祐四年爲廣順元年自正月五日昧爽已前
應天下罪人常赦所不原者咸赦除之故樞密使楊邠
侍衛都指揮使史宏肇三司使王章等以勞定國盡節
致君千載逢時一旦同命悲感行路憤結重泉雖尋雪
于沈寃宜更伸于渥澤並可加等追贈備禮歸葬葬事
官給仍訪子孫叙用其餘同遭枉害者亦與追贈馬步
諸軍將士等戮力叶誠輸忠効義先則平持內難後乃
推戴朕躬言念勲勞所宜旌賞其原屬將士等各與等
第超加恩命仍賜功臣名號已帶功臣者別與改賜應
左降官未量移者與量移已量移者與復資已復資者
量加叙錄亡官失爵之人宜與齒用配流徒役人並許
放還諸處有犯罪逃亡之人及山林草寇等一切不問
如赦到後一月不歸本業者復罪如初內外前任見任
文武官寮致仕官各與加恩應在朝文武臣寮內諸司
使諸道行軍副使藩方馬步都指揮使如父母在未有

恩澤者卽與恩澤已有者更與恩澤如亡沒未曾追封
贈者亦與封贈已封贈者更與封贈應天下州縣所欠
乾祐元年二年已前夏秋殘稅及沿徵物色并三年夏
稅諸色殘欠並與除放澶州已來官路兩邊共二十里
內并乾祐三年殘稅欠稅並與除放應河北沿邊州縣
自去年九月後來曾經契丹蹂踐處其人戶應欠乾祐
三年終已前積年殘欠諸色稅物並與除放應係三司
主持錢穀敗闕場院官取乾祐元年終已前徵納外灼
然無抵當者委三司分析聞奏天下倉場庫務宜令節
度使專切鈐轄掌納官吏一依省條指揮不得別納對
餘耗舊來所進美餘物色今後一切停罷應乘輿服
御之物不得過爲華飾官闈器用務從樸素大官常膳
一切減損諸道所有進奉以助軍國之費其珍巧纖華
及奇禽異獸鷹犬之類不得輒有獻貢諸無用之物不
急之務並宜停罷帝王之道德化爲先崇飾虛名朕所
不取苟致治之未治雖多瑞以奚爲今後諸道所有祥
瑞不得輒有奏獻古者用刑本期止辟今茲作法義切
禁非蓋承弊之時非猛則姦兇難制及知勸之後在寬
則典憲得宜相時而行庶臻中道今後應犯竊盜賊贓
及和姦者並依晉天福元年已前條制施行應諸犯罪

人等除反逆罪外其罪並不得籍沒家產誅及骨肉一
依格令處分天下諸侯皆有親戚自可慎擇委任必當
克効參禪朝廷選差理未或當宜矯前失庶叶通規其
先于在京諸司差軍將充諸州郡元從都押衙孔目官
內知客等並可停廢仍勒却還舊處職役近代帝王陵
寢合禁樵採唐莊宗明宗晉高祖各置守陵十戶以近
陵人戶充漢高祖皇帝陵署職員及守宮人時日薦饗
并守陵人戶等一切如故仍以晉漢之胄爲二王後委
中書門下處分云司天上言今國家建號以木德代水
準經法國以姓墓爲臘請以未日爲臘從之時議者曰
昔武王勝殷歲集于房國家受命金木集于房文王厄
美里而卦遇明夷帝脫于鄴大衍之數復得明夷則周
爲國號符于文武矣先是丁未年夏六月土金木火四
星聚于張占者云當有帝王興于周者故漢祖建國由
平陽陝服趨洛陽以應之及隱帝將嗣位封周王以符
其事而帝以姬號之胄復繼宗周而天人之契炳然矣
昔武王以木德王天下宇文周亦承木德而三朝皆以
木代水不其異乎戊辰前曹州防禦使何福進受宣權
許州節度使前復州防禦使王彥超受宣權徐州節度
使前澶州節度使李洪義受宣權宋州節度使己巳上

漢太后尊號曰昭聖皇太后是日詔有司擇日爲故主
發哀辛未有司上言皇帝爲故主舉哀日服縞素直領
深衣腰經等成服畢祭奠不視朝七日坊市禁音樂文
武內外臣寮成服後每日赴太平宮臨三日止七日釋
服至山陵啟攢塗日服初服輶車出城班辭釋服從之
王申前博州刺史李筠受宣權滑州節度使癸酉樞密
使檢校太傅王峻加同平章事以前澶州節度使李洪
義爲宋州節度使加同平章事以滑州節度副使陳觀
爲左散騎常侍鄴都留守判官王溥爲左諫議大夫並
充樞密院直學士以元從都押衙鄭仁誨爲客省使知
客押牙向訓爲宮苑使北京留守劉崇遣押牙鞏廷美
致書求劉贊歸藩帝報曰朕在澶州之時軍情推戴之
際先差來直省李光美備見必想具言而況遐邇所聞
在後盡當知悉湘陰公比在宋州駐泊見令般取赴京
但勿憂疑必令得所惟公在彼固請安心若能同力扶
持別無顧慮卽當便封王爵永鎮北門鐵券丹書必無
愛惜其諸情素並令來人口宣遣千牛衛將軍朱憲充
入契丹使先是去年契丹永康王烏裕寇邢趙陷內邱
及迴烏裕遣使與漢隱帝書使至境上會朝廷有蕭牆
之變帝定京城迴至澶州遇蕃使至遂與入朝廷至是遣

朱憲伴送來使歸蕃兼致書叙革命之由仍以金酒器
一副玉帶一遺烏裕晉州節度使王晏殺行軍司馬徐
建以通河東聞乙亥鄆州節度使守太師兼中書令齊
王高行周進位尚書令襄州節度使檢校太師守太傅
兼中書令齊國公安審琦進封南陽王青州節度使檢
校太師守太保兼中書令魏國公符彥卿進封淮陽王
夔州節度使侍衛親軍馬步軍都指揮使檢校太傅王
殷加同平章事充鄴都留守典軍如故丙子帝赴太平
宮爲漢隱帝發喪百官陪位如儀是日湘陰公元從右
都押牙韋廷美教練使楊溫等據徐州以拒命帝遣新
授節度使王彥超率兵馳赴之仍賜廷美等勅書丁丑
荆南高保融奏去年十一月朗州節度使馬希萼自稱天
州十二月十八日縊殺馬希廣至十九日希萼自稱天
策上將軍武平靜江寧遠等軍節度使嗣楚王戊寅湘
陰公殂己卯以前太師齊國公馮道爲中書令宏文館
大學士以司徒兼門下侍郎同平章事宏文館大學士
竇貞固爲侍中監脩國史以左僕射平章事集賢殿大
學士蘇禹珪爲守司空平章事夏州節度使李彝興進
封隴西郡王荆南高保融進封渤海郡王靈武馮暉進
封陳留郡王西京白文珂兗州慕容彥超鳳翔趙暉並

加兼中書令詔王彥超率兵攻徐州庚辰故樞密使左
僕射平章事楊邠追封恒農郡王故宋州節度使兼侍
衛親軍都指揮使史宏肇追封鄭王故三司使檢校太
尉平章事王章追封瑯琊郡王是日詔曰朕以眇末之
身託于王公之上懼德勿類撫躬靡遑豈可化未及人
而過自奉養道末方古而不知節量與其耗費以勞人
曷若儉約而克已昨者所頒赦令已述至懷宮闈服御
之所須悉從減損珍巧纖奇之厥貢並使寢停尚有不
該再宜條舉應天下州府舊貢滋味食饌之物所宜除
減其兩浙進細酒海味薑瓜湖南枕子茶乳糖白沙糖
橄欖子鎮州高公米水梨易定栗子河東白杜梨米粉
菜豆粉玉屑楓子麩永興御田紅秈米新大麥麩興平
蘇栗子華州麝香羚羊角熊膽獾肝朱柿熊白河中樹
紅棗五味子輕錫同州石鏃餅晉絳葡萄黃消梨陝府
鳳栖梨襄州紫薑新筍橘子安州折粳米糟味青州水
梨河陽諸雜果子許州御李子鄭州新筍鵝梨懷州寒
食杏仁申州蘘荷亳州草薺汧淮州郡淮白魚如聞此
等之物雖皆出于土產亦有取于民家未免勞煩率皆
糜費加之力役負荷馳驅道途積于有司之中甚爲無
用之物今後並不須進奉諸州府更有舊例所進食味

其未該者宜奏取進止又詔在朝文武臣寮各上封事
凡有益國利民之事速具以聞辛巳鎮州武行德晉州
王晏相州張彥成潞州常思邠州侯章並加兼侍中以
侍衛馬軍都指揮使果州防禦使檢校太保郭崇為洋
州節度使檢校太傅典軍如故以侍衛步軍都指揮使
岳州防禦使曹英為利州節度使檢校太傅典軍如故
癸未涇州史懿延州高允權倉州王景永興郭從義定
州孫方簡並加兼侍中鄜州楊信同州薛懷讓貝州王
繼宏並加同平章事乙酉華州王饒河中扈彥珂鄧州
折從阮邢州劉詞並加同平章事丙戌幸西莊潞州奏
得石會關使王延美報河東劉崇于正月十六日僭號
丁亥以前澶州防禦使李洪義為宋州節度使加同平
章事以曹州防禦使北面行營馬步都排陣使何福進
為許州節度使加檢校太傅以博州刺史北面行營右
廂排陣使李筠為滑州節度使加檢校太保戊子有司
上言準敕書以晉漢之胄為二王後其唐五廟仲祀合
廢從之庚寅宗正寺奏請依晉漢故事遷漢七廟神主
入昇平宮行仲享之禮以漢宗子為三獻從之五代
會要周廣順元年正月五日制書節文帝王之道德化
為先崇飾虛名朕所不取苟致禮之未協雖多瑞以奚

爲今後諸道所有祥瑞不得輒有奏獻又周廣順元年正月敕文唐莊宗明宗晉高祖宜各置守陵十戶以近陵人戶充又周廣順元年正月勅漢高祖爲義帝發喪魏明帝正禪陵尊號一時達禮千古所稱况朕久事前朝常參大政雖遷虞事夏見奪于羣情而四海九州咸知予宿志宜令所司擇日爲故主舉喪仍備山陵葬禮有司上言皇帝爲故主舉喪日服緇素直領深衣腰經等成服畢祭奠不視朝七日防禁音樂文武內外臣寮成服後每日赴太平宮臨三日止七日釋服至山陵啟攢塗日暫服車出城班辭釋服從之又周廣順元年正月進封鄆州節度使高行周爲齊王封山南東道節度使安審琦爲南陽王淄青節度使符彥卿爲淮陽王夏州節度使李彝殷爲隴西郡王靈武節度使馮暉爲陳留郡王追封故樞密使楊邠爲宏農郡王故三司使王章爲瑯琊郡王故侍衛親軍馬步軍都指揮使史宏肇爲鄭王冊府元龜周太祖廣順元年司天上帝言歷代帝王以五運相承前朝紹承水德今國家建號周朝合以木德代水淮經法國以歲暮爲臘今歷日所行合以今年十二月二十二日丁未爲臘從之臣欽若等曰晉承後唐漢承晉本文不載承土之德據周稱木

德卽是漢爲水晉爲金以繼唐土德也文獻通考後

周太祖命王峻疏四方貢獻珍美食物下詔悉罷之詔

畧曰所奉止於朕躬所損被於百姓二月辛丑西州回

又日積於有司之中甚爲無用之物

鶻使都督來丁未契丹使裊骨支來癸丑寒食望祭于

蒲池原注蒲池佛寺名也五代會要周廣順元年二月

非人君丁巳尙書左承田敏使于契丹回鶻使摩尼來

之禮也五代史廣順元年春二月癸巳朔以樞密副使尙書戶

部侍郎范質爲兵部侍郎依前充職以陳州刺史判三

司李穀爲戶部侍郎判三司以右金吾大將軍充街使

翟光鄴爲左千牛衛上將軍充宣徽北院使以宣徽北

院使袁義爲左武衛上將軍充宣徽南院使以左右金

吾大將軍充街使符彥琳爲右監門上將軍丁酉以皇

子天雄軍牙內都指揮使檢校右僕射貴州刺史榮起

復爲瀘州節度使檢校太保以右金吾上將軍薛可言

爲右龍武統軍以左神武統軍安審約爲左羽林統軍

以左驍衛上將軍趙贊爲右羽林統軍以太子太師致

任朱彥筠爲左衛上將軍詔移生吐渾族帳于潞州長
子縣江猪嶺已亥以左武衛上將軍劉遂凝爲左神武
統軍以左衛上將軍焦繼勳爲右神武統軍以左領軍
衛上將軍史佺爲右衛上將軍庚子故吳國夫人張氏
追贈貴妃故皇第三女追封樂安公主故第二子青哥
贈大保賜名侗第三子意哥贈司空賜名信故長婦劉
氏追封彭城郡夫人皇姪三人守筠贈左領軍將軍改
名愿奉超贈左監門將軍定哥贈左千牛衛將軍賜名
遜故皇孫三人宜哥贈左驍衛大將軍賜名誼喜哥贈
武衛大將軍賜名誠三哥贈左領衛大將軍賜名誠辛
丑西州回鶻遣使貢方物前開封尹魯國公侯益進封
楚國公前西京留守莒國公李從敏進封秦國公前西
京留守王守恩進封莒國公癸卯以前中書侍郎兼戶
部尚書平章事李濤爲太子賓客詔宣徽南院使袁義
權知開封府事以太子太保和凝爲太子太傅丙午晉
州王晏奏河東劉崇遣僞招討使劉鈞副招討使白截
海率步騎萬餘人來攻州城以今月五日五道齊攻率
州兵拒之賊軍傷死甚衆內出寶玉器及金銀結縷寶
裝牀凡飲食之具數十碎之于殿庭帝謂侍臣曰凡爲
帝王安用此仍詔所司凡珍華悅目之物不得入官先

是回鶻間歲入貢禁民不得與蕃人市易寶貨至是一
聽私便交易官不禁詰丁未左千牛將軍朱憲使契丹
過契丹主烏裕遣使人來獻良馬一驪賀登極戊申詔
日朕祇膺景命奄有中區每思順物之情從衆之欲將
使照臨之下多寄食餽舍之徒歲月之間動懷土念家
之思宜循大體用革前規應諸道州府有前資朝官居
住如未赴京不得發遣其行軍副使已下幕職州縣官
等得替求官自有月限年月未滿一聽外居如非時詔
徵不在此限己酉有司議立四親廟從之辛亥以太子
少傅楊凝式爲太子少師以太常卿張昭爲戶部尚書
以尚書左丞王易爲禮部尚書以兵部侍郎邊蔚爲太
常卿以翰林學士中書舍人魚崇諒爲工部侍郎充職
以戶部侍郎韋勳爲兵部侍郎以刑部侍郎邊歸謹爲
戶部侍郎以禮部侍郎司徒詡爲刑部侍郎以秘書監
趙上交爲禮部侍郎以兵部尚書王仁裕爲太子少保
以翰林學士禮部尚書張沆爲刑部尚書充職以尚書
右丞田敏爲左丞以吏部侍郎段希堯爲工部尚書以
太子詹事馬裔孫爲太子賓客前鄜州節度使劉重進
前滑州節度使宋延渥並加食邑吐渾府留後王全德
加檢校太保充憲州刺史隰州刺史許遷奏河東賊軍

劉筠自晉州引兵來攻州城尋以州兵拒之賊軍傷死者五百人信宿遁去丁巳以尚書左丞田敏充契丹國信使回鶻遣使貢方物己未天德軍節度使號國公郭勳加同平章事以前宗正卿劉暉為衛尉卿辛酉以衛尉卿邊光範為秘書監以前吏部侍郎李詳為吏部侍郎以前戶部侍郎顏衍為尚書右丞冊府元龜廣順元年二月涇州節度使史康懿三月甲戌武寧軍節度言臣名下一字與御名同改之使王彥超克徐州原注翠延美楊溫不書死之語在贊傳五代史三月壬戌朔前西京留守李從敏卒戊辰以前左武衛上將軍李懷忠為太子太傅致仕以前邢州節度使安審暉為太子太師致仕辛未幸南莊壬申詔曰諸州府先差散從親事官等前朝創置蓋出權宜苟便一時本非舊貫近者遍詢羣議兼採封章且言前件抽差于理不甚允當一則礪州縣之色役一則妨春夏之耕耘貧乏者困于供須豪富者幸于影庇既為煩擾須至更改况當東作之時宜罷不急之務其諸州所差散從親事官等並宜放散詔下公私便之徐州行營都部署王彥超馳奏收復徐州詔城內逆首楊溫及親近徒黨並處斬其餘無名目人及本

城軍都將校職掌吏民等雖被脅從本非同惡並釋放
兼知自前楊溫招喚草賊同力守把朕以村墅小民偶
被煽誘念其庸賤特與含容其招人城草賊並放歸農
仍倍加安撫湘陰公夫人并骨肉在彼仰差人安撫守
護勿令驚恐以前右散騎常侍張煦給事中王延壽並為
左散騎常侍以前大名府少尹李瓊為將作監以前彰
武軍節度使周密為太子太師致仕以衛尉卿劉焯充
漢隱帝山陵都部署丙子以太子少保致仕王延為太
子少傅以戶部尚書致仕盧損左驍衛上將軍致仕李
肅並為太子少保兵部尚書致仕韓昭允為尚書右僕
射太子太師致仕盧文紀為司空自延而下並依前致
仕故散騎常侍裴羽贈戶部尚書故太子賓客蕭愿贈
禮部尚書以司農卿致仕薛仁謙為鴻臚卿以將作監
致仕烏昭為太府卿以太常少卿致仕王禧為少府監
以秘書少監致仕段顥為將作監自仁謙而下並依前
致仕詔沿淮州縣軍鎮今後自守疆土不得縱一人一
騎擅入淮南地分已卯潞州奏涉縣所擒河東將士二
百餘人部送赴闕詔給衫袴巾屨放歸本土甲申鎮州
武行德移鎮許州何福進移鎮鎮州丙戌以襄州節度
副使郭令圖為宗正卿詔曰故蘇逢吉劉銖頃在漢朝

與朕同事朕自平禍亂不念仇讎尋示優宏與全家屬
尚以幼稚無託衣食是艱將行矜卹之恩俾獲生存之
路報怨以德非我負人賜逢吉骨肉洛京莊宅各一賜
劉銖骨肉陝州莊宅各一己丑幸南莊庚寅唐故卹國
公李從益追封許王唐明宗淑妃王氏追贈賢妃辛卯
詔諸道節度副使不得過十五人諸府少尹留守判官並許
差定當直人力不得過十人節度推官防禦團練軍事判
禦團練副使不得過十人逐處係帳收管此外如敢額外影占人
官不得過七人逐處係帳收管此外如敢額外影占人
戶其本官當行朝典先是漢隱帝時有人上言州府從
事令錄皆請料錢自合雇人驅使不合差遣百姓丁戶
秉政者然之乃下詔州府從事令錄木處先差職役並
放歸農自是官吏有獨行趨府縣者帝頗知之故有是
命五代會要廣順元年三月勅其諸道州府所差散
從官親事官並放歸農自去年四月已前州縣元管係
人數一切仍舊其遞鋪如已前招召到者且仰仍舊今
後更不得招召其諸處場院並不得影庇兩稅人戶所
有河北諸州府及澤潞晉絳慈隰解等州于先差散從
親事官內選弓箭手祇且留住本州管係其餘放差先
是漢隱帝命諸州于百姓內差散從官親事官又差力

及人戶充遞鋪又下三司諸場務召人戶替占役兵皆
不便于民故放之又周廣順元年三月勅副留守節
度副使行軍兩京少尹留守判官兩使判官共許差定
當直人力不得過十五人諸府少尹掌書記支使防禦
團練副使不得過一十人節度推官防禦團練軍事判
官不得過七人並取本廳舊當直人力充若數少不及
新定數目祇仰舊人數差定仍令逐處係帳收管此外
如不遵條制額外占差人戶本官當行朝典東都事
畧王彥超字德昇大名臨清人也少事魏王繼岌繼岌
死乃仕晉為刺史仕漢為復州防禦使契丹入寇為行
營馬步左廂都排陣使從周太祖入汴湘陰公贊牙校
鞏廷美以贊不得立據徐州以拒周太祖拜彥超武寧
軍節度使以討之又與王峻拒劉崇于晉州改建雄河
陽三城河中三鎮顯德初加同平章事屢破劉崇之衆
拜忠武軍節度使兼侍中宰相李穀征淮南以彥超將
前軍敗淮人于壽州城下淮人水陸來援穀退保正陽
淮人隔其後會李重進兵至合執急擊大敗夏四月甲
之逐北二十餘里師旋徙鎮永興移鳳翔

午立夫人董氏為德妃

五代史夏四月壬辰朔詔沿淮
州縣許淮南人就淮北糴易餼

糧時淮南饑故也甲午以夫人董氏爲德妃仍令所司
備禮冊命己亥改侍衛馬步軍軍額馬軍舊稱護聖今
改爲龍捷步軍舊稱奉國今改爲虎捷王寅詔唐莊宗
明宗晉高祖三處陵寢各有守陵宮人並放逐便如願
在陵所者依舊供給甲辰相州張彥成移鎮鄧州折從
阮移鎮滑州李筠移鎮相州丙午封壽安公主辛亥詔
卒戊申幸南莊庚戌皇第四女封壽安公主辛亥詔
州節度使劉信追封蔡王丙辰詔曰牧守之任委遇非
輕分憂之務旣同制祿之數宜等自前有富庶之郡請
給則優或邊遠之州俸料素薄以至遷除之際擬議亦
難旣論資叙之高低又患祿秩之升降所宜分多益寡
均利同恩冀無黨偏以勸勲効今定諸防禦使料錢二
百貫祿粟一百石食鹽五十貫祿粟七十石鹽五十石馬
衣糧團練使一百五十貫祿粟五十石鹽五十石馬五匹
元隨二十人刺史一百貫祿粟五十石鹽五十石馬五匹
元隨二十人云丁巳尙書左丞田敏使契丹迴契丹主
烏裕遣使努瑚報命并獻碧玉金塗銀褰鞍勒各一副
弓矢器仗貂裘等土產馬三十匹土產漢馬十匹庚申
帝爲故貴妃張氏舉哀于舊宮輟視朝三日辛酉司空
致仕盧文紀卒五代會要周廣順元年四月勅天災

流行分野代有苟或閉羅豈是愛人宜令浚淮渡口鎮
浦不得止淮南人羅易又周廣順元年四月改侍衛
馬軍曰龍捷左右軍步軍曰虎捷左右軍其名御撰
又元年四月追封故許州節度使劉信爲蔡王又周
廣順元年四月勅牧守之任委遇非輕分憂之務旣同
制祿之數宜等今重定則例諸州防禦使料錢二百千
祿米百石食鹽五十石馬十匹草粟元隨三十人衣糧團
練使料錢一百五十千祿粟七十石食鹽五十石馬十匹
草粟元隨三十人衣糧刺史料錢一百千祿粟五十石
食鹽五十石馬五匹草料元隨二十人衣糧仍取今年五
月一日後到任者依前定例五月辛未追尊祖考爲皇
支其已前在任者所請如故
帝妣爲皇后高祖璟諡曰睿和廟號信祖祖妣張氏諡
曰睿恭會祖諡曰明憲廟號僖祖祖妣申氏諡曰明
孝祖蘊諡曰翼順廟號義祖祖妣韓氏諡曰翼敬考諡
曰章肅廟號慶祖妣王氏諡曰章德
五代史五月壬戌朔帝不視朝以漢

隱帝梓宮在殯故也戊辰皇子澶州節度使榮起復依
 前澶州節度使以故貴妃張氏去歲薨至是發哀故也
 己巳遣左金吾衛將軍姚漢英前右神武將軍華光裔
 使于契丹辛未太常卿邊蔚上追尊四廟諡議是夜有
 大星如五升器流于東北有聲如雷丙子太常卿邊蔚
 上太廟四室奠獻舞名丁丑詔京兆鳳翔府應諸色犯
 事人第宅莊園店礮已經籍沒者並給付罪人骨肉王
 午幸南莊甲申考城縣巡檢供奉官馬彥勅藥市坐匿
 赦書殺獄囚也丙戌辛未太常卿邊蔚上追尊四廟諡
 元龜廣順元年五月辛未太常卿邊蔚上追尊四廟諡
 議皇高祖諱瑋請上尊諡曰睿和皇帝廟號睿祖諡曰
 溫陵皇高祖諱妣夫人張氏請上尊諡曰睿和皇帝廟
 祖太保諱諶請上尊諡曰明憲皇帝廟號僖祖諡曰齊
 陵皇曾祖妣鄭國夫人申氏請上尊諡曰明孝皇后皇
 祖太傅諱蘊請上尊諡曰翼順皇帝廟號義祖諡曰節
 陵皇祖妣陳國夫人韓氏請上尊諡曰翼敬皇后皇考
 太師諱簡請上尊諡曰章肅皇帝廟號慶祖諡曰欽陵
 皇妣燕國夫人王氏請上尊諡曰章德皇后又內出忌
 辰信祖四月七日睿恭皇后十月二十七日僖祖十二
 月七日明孝皇后正月十二日義祖正月元日翼敬皇

后十一月十四日其三祖忌辰皇帝不視事宰臣百官赴佛寺行香慶祖九月十四日章德皇后三月十八日忌辰皇帝不視事一日宰臣百官西上閣門進名奉慰後卽赴佛寺行香勅敬依典禮

六月辛亥

范質及戶部侍郎判三司李穀爲中書侍郎同中書門

下平章事竇貞固蘇禹珪罷癸丑范質參知樞密院事

丁巳宣徽北院使翟光鄴爲樞密副使五代史六月辛卯朔不視朝以

漢隱帝梓宮在殯故也甲午百寮上表請以七月二十八日皇帝降聖日爲永壽節從之邢州大雨霖已亥太常少卿劉悅上漢少帝諡曰隱皇帝陵曰穎陵從之辛亥以樞密使王峻爲尙書左僕射兼門下侍郎同平章事監脩國史充樞密使以樞密副使尙書兵部侍郎范質爲中書侍郎同平章事充集賢殿大學士以戶部侍郎判三司李穀爲中書侍郎同平章事判三司司徒兼侍中監脩國史竇貞固司空兼中書侍郎同平章事集賢殿大學士蘇禹珪並罷相守本官壬子幸西莊癸丑詔宰臣范質參知樞密院事鄴都洛滄貝等州大雨霖

丙辰西京奏新授宗正卿郭令圖卒丁巳以尚書左丞
顏衍爲兵部侍郎充端明殿學士以宣徽北院使翟光
鄴兼樞密使秋七月戊寅幸王峻第五代史秋七月辛酉朔
太廟四室寶冊于中書令馮道等赴西京行禮癸亥尙
書左丞田敏兼判國子監事戊辰以御史中丞于德辰
爲尙書右丞以秘書監邊光範爲太子賓客以戶部尙
書張昭爲太子賓客以其子秉爲陽翟簿犯法抵罪昭
詣閤待罪詔釋之乃左授此官王申史官賈緯等以所
撰晉高祖實錄三十卷少帝實錄二十卷上之丙子幸
幸臣王峻第已丑鎮州奏破河東賊軍于平山縣西斬
首五百級是日太常卿邊蔚奏議改郊廟舞名事具樂
志五代會要周信祖睿武皇帝諱璟周號叔之後廣
順元年七月追尊睿和皇帝廟號信祖葬溫陵無陵所
遙申朝拜僖祖明憲皇帝諱諱睿和皇帝長子母曰睿
恭皇后張氏廣順元年七月追尊明憲皇帝廟號僖祖
葬齊陵無陵所遙申朝拜義祖翼順皇帝諱蘊明憲皇
帝長子母曰明孝皇后申氏廣順元年七月追尊翼順
皇帝廟號義祖葬節陵無陵所遙申朝拜慶祖章肅皇
帝諱簡翼順皇帝長子母曰翼順皇后韓氏廣順元年

七月追尊章肅皇帝廟號慶祖葬欽陵又周廣順元年

七月史館新脩晉高祖實錄三十卷少帝實錄二十

卷上之冊府元龜廣順元年戊子永壽節帝御廣政

殿百寮進酒上壽班退賜衣服分物有差羣臣赴相國

寺齋八月壬寅契丹來歸趙瑩之喪五代史八月辛卯

帝詣太平宮臨奠詔羣臣出祖于西郊是歲幽州饑流

人散入滄州界詔流人至者口給斛粟仍給無主土田

令取便種蒔放免差稅癸巳虎人西京脩行寺傷人市

民殺之乙未幸班荆館壬寅契丹遣幽州牙將曹繼筠

來歸故晉中書令趙瑩之喪詔贈太傅仍賜其子絹五

百匹以備喪事歸葬于華陰故里乙巳幸西莊壬子晉

州王晏移鎮徐州郭從義移鎮許州貝州王繼宏移鎮河陽

鎮華州永興郭從義移鎮許州貝州王繼宏移鎮河陽

李暉移鎮滄州以許州節度使武行德為西京留守滑

州折從阮移鎮陝州河中區彥珂移鎮滑州陝州李洪

信移鎮永興華州王饒移鎮貝州徐州王彥超移鎮晉

州丙辰尙食李氏等官官八人並封縣君司記劉氏等

六人並封郡夫人尙宮皇甫氏等三人並封國夫人唐

制有內官官官各有司存不更加郡國之號近代加之

非舊制也以易州刺史孫行友爲定州留後戊午故夫
人柴氏追立爲皇后仍令所司定謚備禮冊命九月庚
申朔帝詣太平宮起居漢太后辛酉故夫人楊氏追贈
淑妃仍令所司擇日備禮冊命故皇第五女追封永寧
公主癸亥定州奏契丹永康王烏裕爲部下所殺以前
耀州團練使武廷翰太子少保致仕丙子諸道兵馬都
元帥兩浙節度使檢校太師尙書令中書令吳越國王
錢俶加天下兵馬都元帥丁丑中書舍人劉濤責授少
府少監分司西京坐遣男項代草制詞也監察御史劉
項責授復州司戶坐代父草制也中書舍人楊昭儉解
官放逐私便以多在假告不親其職也容齋三筆周
廣順初中書舍人劉濤責授少府少監分司西京坐遣
男項代草制詞也項時爲監察御史亦責授州司戶
冊府元龜廣順元年八月環州刺史雷彥洪以名下一
字犯御冬十月丙午漢人來討原注討加有罪漢攻自
名改之

晉州原注云自晉州者見漢兵當誅罪人於京師自晉
州而入耳攻城無得失不書此書者許漢來討

五代史廣順元年冬十月己丑朔宰臣王峻獻唐張蘊
古大寶箴謝偃惟皇誠德賦二圖詔報曰朕生長軍戎

勤勞南北雖用心于鈐匱且無暇于詩書世務時艱粗
經閱歷前言往行未甚討尋卿有佐命立國之動居代
天調鼎之任恒慮眇德未及古人于是採掇歲規弼諧
寡昧披文閱理擇意怡神究爲君治國之源審脩己御
人之要帝王之道盡在于茲辭翰俱高珠寶何貴再三
省覽深用愧嘉其所進圖已令于行坐處張懸所冀出
入看讀用爲鑒戒壬辰潞州奏巡檢使陳思讓監軍向
訓破河東軍于虜亭癸巳以刑部侍郎司徒謝爲戶部
侍郎以左散騎常侍張煦爲刑部侍郎以給事中呂咸
休爲左散騎常侍甲午絳州防禦使孫漢英卒辛丑荆
南奏河南亂大將軍陸孟俊執僞節度使馬希萼遷于
衡州立希萼弟希崇爲留後將吏二千餘人遇害者半
牙署庫藏焚燒殆盡乙巳詔併吏部三銓爲一銓委本
司長官通判丙午晉州巡檢王萬敢奏河東劉崇入寇
營于州北辛亥潞州奏河東賊軍寇境乙卯荆南奏淮
南遣鄂州節度使劉仁贍以戰船二百艘于今月二十
五日入岳州丙辰詔樞密使王峻率兵援晉州丁巳以
左衛將軍申師厚爲河西軍節度使檢校太保師厚素
與王峻善及峻貴師厚羈旅無依日于峻馬前望塵而
拜會西涼請帥帝令擇之無欲去者峻乃以師厚奏之

師厚亦欣然求往尋自前鎮將授左衛將軍檢校工部
尙書翼日乃有涼州之命賜旌節旼馬繒帛以遣之

十一月王峻及建雄軍節度使王彥超拒之五代史十一月己未

朔荆南奏淮南大將邊鎬率兵三萬自袁州路趨潭州
馬希崇遣從事送牌印納器仗鎬入城稱武安軍節度

使馬氏諸族及將吏千餘人皆徙于金陵甲子夜東南
白虹亘天以新晉州節度使王彥超爲晉絳行營馬軍

都虞候乙丑命王峻出征晉州帝幸西莊以餞之甲戌
日南至羣臣拜表稱賀甲申葬故貴妃張氏丁亥詔唐

朝五廟舊在至德宮安置應屬徽陵莊田園舍宜令新
除右監門將軍李重玉爲主其緣陵廟法物除合留

外所有金銀器物充遷葬故淑妃王氏及許王從益外
其餘並給與重玉及尼惠英惠燈惠能惠嚴等令重玉

以時祀陵廟務在豐潔重玉故皇城使李從璨之子明
宗之孫惠英等亦明宗親屬也故帝授重玉官秩令主

先祀卹王十二月慕容彥超反五代史十二月戊子朔

者之後也三日暫幸西京庚寅詔巡幸宜停時王峻駐軍陝府聞
帝西巡遣使馳奏不勞車駕順動帝乃止乙未幸西莊

兗州慕容彦超上言乞朝覲詔允之尋稱部內草寇起
不敢離鎮戊申鄆州奏慕容彦超據城反己酉王峻奏
劉崇逃遁王師已入晉州五代春秋辛亥廣順元年
正月丁卯帝卽位八月葬漢隱帝楚人殺希範十月吳
滅楚十二月兗州慕容彦超拒命

五代史記卷第十一上

五代史記卷第十一下

廬陵歐陽脩撰

徐無黨原注

南昌彭元瑞注

劉鳳誥排次

周本紀第十一

二年春正月甲子侍衛步軍都指揮使曹英為兗州行

營都部署

五代史曹英字德秀舊名犯太祖廟諱故改為焉本常山鎮定人也父全武事趙王王鎔為

列校英因得隸于鎔之帳下及張文禮之亂唐莊宗奄

有其地乃錄鎔之左右署為散指揮使明宗即位英侍

于仗下問其祖考英以實對明宗曰乃朕之舊也擢為

本班行首每加顧遇晉天福中遷弩手軍使平張從賓

于汜水以功授本軍都校漢初改奉國軍主加檢校司

徒兼康州刺史乾祐初李守貞據河中叛授行營步軍

都校河中平遷本軍廂主領岳州防禦使隨太祖在魏

為北面行營步軍都校從平內難國初以翊戴功授昭

武節度使檢校太傅侍衛步軍都指揮使二年春總兵討慕容彥超于克州梯衝壘頗有力焉夏五月太祖親征因併兵攻陷其城及凱旋領彰信軍節度使典軍如故世宗嗣位加同平章事授成德軍節度使車駕自太原邇加兼侍中顯德元年冬卒于鎮時年四十有九制贈中書令英性沈厚謙恭有禮雖在席之際接對賓客亦未嘗造次及卒搢紳之士亦皆惜之冊府元龜曹英字德秀爲成德軍節度使舊名犯太廟諱故改焉庚午高麗王昭使其廣評侍郎徐逢來五代史廣順二年朔不受朝賀以宿兵在外故也庚申王峻奏起近鎮丁夫二萬城晉州王戌脩東京羅城凡役丁夫五萬五千兩旬而罷甲子以侍衛步軍都指揮使曹英爲克州行營都部署以齊州防禦使史延翰爲副部署以皇城使向訓爲兵馬都監陳州防禦使藥元福爲馬步都虞候率兵討慕容彥超諸軍入克州界不得下路停止村舍犯者以軍法從事丙寅徐州巡檢供給官張令彬奏破淮賊于沐陽斬首千餘級擒賊將燕敬權時慕容彥超求援于淮南淮南僞主李景發兵援之師于下邳聞官軍至退趨沐陽遂破之庚午高麗權知國事王昭遣使

貢方物王申鎮州何福進差人部送先擒獲到河東賊
 軍二百餘人至闕下詔給巾履衫袴以釋之戊寅徐州
 部送沐陽所獲賊將燕敬權等四人至闕下詔賜衣服
 金帛放歸本土敬權等感泣謝罪帝召見謂之曰夫惡
 兇邪獎忠順天下一也我之賊臣撓亂國法嬰城作逆
 殃及生靈不意吳人助茲凶惡非良算也爾歸當言之
 于爾君初漢末遣三司軍將路昌祚及敬權自大朝歸
 南將邊鎬陷長沙昌祚被賊送金陵及敬權自大朝歸
 具以帝言告于李景景乃召昌祚延坐從容久之且稱
 美大朝皇帝聖德廣被恩沾隣土深有依附國家之意
 及罷遣偽宰相宋齊邱晏昌祚于別館又令訪昌祚在
 湖南遭變之時亡失綱運之數命依數償之給茗蔴萬
 八千斤遣水運至江夏二月庚寅府州防禦使折德展
 仍厚給行裝遣之歸闕二月庚寅府州防禦使折德展
 克崙軍五代史二月庚寅府州防禦使折德展奏河
 太白經天癸巳以權知高麗國事王昭為高麗國王庚
 子府州防禦使折德展奏收河東界崙嵐軍辛丑詔先
 獲河東鄉軍一百餘人各給錢鞋放歸鄉里王寅太子
 太師致仕安審暉卒東都事畧折德展世居雲中父

從阮自晉以來仕周至靜難軍節度使五代史有傳從
阮鎮府州以德展為牙校漢初領勝州刺史世宗建府
州為永安軍以三月丁巳朔寒食望祭于郊戊辰內客
德展為節度使

省使鄭仁誨為樞密副使翟光鄴罷五代史三月庚申

射戊辰以樞密院直學士左諫議大夫王溥為中書舍

人充翰林學士以內客省使恩州團練使鄭仁誨為樞

密副使詔宣徽北院使翟光鄴權知永興軍府事甲戌

回鵠遣使貢方物庚辰詔西京莊宅司內侍省宮苑司

內園等四司所管諸巡繫稅戶二千五百並還府縣其

廣德昇平二宮並停廢應行從諸莊園林亭殿房舍什

物課利宣令逐夏五代史夏四月丙戌朔日有食之帝

司依舊收管夏避正殿百官守司丁亥詔停蔡州鄉

軍戊子以京師旱分命羣臣禱雨癸巳制削奪慕容彦

超在身官爵甲午高麗國冊使衛尉卿劉皞卒乙卯詔

取來月五日車駕赴兗州城下慰勞將士以樞密副使

鄭仁誨為右衛大將軍依前充職兼權大內都點檢以

中書侍郎平章事判三司李穀五月庚申東征李穀留

為權東京留守兼判開封府事

守東都鄭仁誨爲大內都點檢癸亥次曹州赦流罪以

下囚乙亥兗州

原注彦超投井壬午赦兗州五代史

辰朔帝御崇元殿受朝仗衛如儀庚申車駕發京師戊辰至兗州城下乙亥收復兗州斬慕容彥超夷其族詔端明殿學士顏衍權知兗州軍州事壬午曲赦兗州管內罪人取五月二十七日已前所犯罪大辟已下咸赦除之慕容彥超徒黨有逃避潛竄者及城內將吏等並放罪自慕容彥超違背已來鄉城內有接便爲非者一切不問諸軍將士歿于王事者各與賻贈都頭已上與贈官兗州城內及官軍下寨四面去州五里內今年所徵夏秋稅及沿徵錢物並放十里內只放一州管界今夏苗子三分放一分城內百姓遭毀拆舍屋及遭燒焚者給賜材木諸處差到人夫內有遭矢石死者各給絹三匹仍放戶下三年徭役云癸未詔兗州降爲防禦州仍爲望州五代會要周廣順二年五月車駕親征兗州御札宣示沿路側近節度防禦團練使刺史不得離本州府來赴朝覲其隨駕一行供頓並取繫省錢物准備差使臣勾當仍預告報一路州縣並不得別有排比

其隨從臣寮外內諸司官中已有供給州縣亦不得別
有破費祇供其要載動用什物等亦已指揮備辦如闕
少之時候見宣命卽供祇應不得預前排比如衷私有
人小小取索並不得應副或軍部及諸色人于途路店
肆買些須食物先還價錢兩京留司百官祇于遞中附
表起居時熱不用差官至行在所沿路指揮事件車駕
回日亦依此施行冊府元龜周太祖廣順二年六月
五月以平定兗州梟夷逆黨差官告社稷郊廟
乙酉朔幸曲阜祠孔子庚子至自兗州五代史六月乙
縣謁孔子祠旣奠將致拜左右曰仲尼人臣也無致拜
帝曰文宣王百代帝王師也得無敬乎卽拜奠于祠前
其所奠酒器銀鑪並留于祠所遂幸孔林拜孔子墓帝
謂近臣曰仲尼亞聖之後今有何人對曰前曲阜令襲
文宣公孔仁玉是仲尼四十二代孫有鄉貢三禮顏涉
是顏淵之後卽召見仁玉賜緋口授曲阜令顏涉授主
簿便令視事仍勅兗州脩葺孔子祠宇墓側禁樵採丙
戌車駕還朝初帝以五月十二日至兗州賊尙拒守至
十七日晝夢道士一人進書卷七首云車駕來月二日還
京其下文字絕多不能盡記既寤以夢告宰臣又四日

費又倍悉取之于民帝以諸州器甲造作不精兼占留
屬省物過當乃令罷之仍選擇諸道作工赴京作坊以
備役使乙未永興軍奏宣徽北院使知軍府事翟光鄴
卒丁酉葬德妃廢朝戊戌以宣徽南院使袁義權知永
興軍府事以樞密直學士工部侍郎陳觀權知開封府
事己亥升鉅野縣為濟州以樞密院副使鄭仁誨為宣
徽北院使兼樞密副使庚子幸樞密院王峻請之也甲
辰宰臣李穀以臂傷未愈上表辭位凡三上章詔報不
允丁未滄州奏自十月已前蕃歸漢戶萬九千八百戶
是時北境饑饉人民轉徙襁負而歸中土者散居河北
州縣凡數十萬口十一月丙辰荆南奏朗州大將劉言
以今年十月三日領兵趨長沙十五日譚州淮南所
署湖南節度使邊鎬岳州刺史宋德權並棄城遁去庚
申以前少府監馬從斌為殿中監王戌樞密使王峻亡
妻崔氏追封趙國夫人非故事也乙丑刑部尚書張沆
卒辛未陝州折從阮移鎮邠州以前宋州節度使李洪
義為安州節度使癸酉青州符彥卿移鎮鄆州甲戌詔
日累朝已來用兵不息至于繕治甲冑未免配役生靈
多取于民助成軍器就中皮革尤峻科刑稍犯嚴條皆
抵極典鄉縣以之生事姦猾得以侵漁宜立新規用革

前弊應天下所納牛皮今將逐所納數三分內減二分
其一分子于人戶苗畝上配定每秋夏苗共十頃納連角
皮一張其黃牛納乾筋四兩水牛半斤犢子皮不在納
限牛馬驢騾皮筋角今後官中更不禁斷只不得將
化外敵境州縣先置巡檢牛皮節級並停丙子詔曰應
內外文武官寮幕職州縣官舉選人等今後有父母祖
父母亡歿未經遷葬者其主家之長不得輒求仕進所
由司亦不得申舉解送如是卑幼在下者不在此限已
卯日南至帝御崇元殿受朝賀仗衛如儀十二月丙戌
權武平軍留後劉言遣牙將張崇嗣入奏于十月十三
日與節度副使王進逵行軍司馬何敬貞指揮使周行
逢等同共部領戰棹攻收湖南偽節度使邊鎬當夜出
奔王進逵等已入潭州癸巳太子太師致仕安叔干卒
甲午詔今後諸侯入朝不得進奉買宴丁酉皇子澶州
節度使榮落起復加同平章事戊戌太子少傅致仕王
延辛壬寅幸西莊乙巳以端明殿學士顏衍權知開封
府事御史臺奏請以左右衛復為左右屯衛從之避御
名也是冬無雪五代會要二年十二月勅應天下人
所納牛皮今將逐年所納數三分內減收二分其一分
于人戶苗畝上配定每秋夏苗共十頃納連角牛皮一

張其黃牛納乾筋四兩水牛半斤犢犝皮不在納限其
皮人戶自詣本州送納所司不得邀難所有牛馬驢騾
皮筋骨今後宮中更不禁斷並許私家共使買賣祇不
得將出來敵疆月仍仰開津界首子細覓察捕捉所犯
人必加深罪其州縣先置巡檢牛皮節級及朝廷先降
條法一切停廢又周廣順二年十一月勅應內外文
武臣寮幕職州縣官舉選人等今後有父母亡故未經
遷葬其主家之長不得輒求仕進所由司亦不得申舉
解送如是卑幼在下者不在此限其合赴舉選者或是
葬事禮畢或是卑幼在下勒于所納家狀內具言不得
罔冒竝令御史臺巡及逐處長吏本司長官所由司覺
察糾舉犯者必行典法如是處長吏本司長官所由司覺
糾舉之司其中必有兵戈阻縮或是不切覺察縱任罔冒
追徵及內外管軍職員並不拘此例所有勅前見任職
官及今年舉選官不在糾舉之限冊府元龜廣順二
年十一月丙午勅曰古者立封樹之制定喪葬之期著
在經典是為名教泊乎世俗衰薄風化陵遲親歿而多
闕送終身後而便為無主或羈束于仕宦或拘忌于陰
陽旅櫬不歸遺骸何託但以先王垂訓孝子因心非以
厚葬為賢只以稱家為禮掃地而祭尚可以告虔負土

成墳所貴乎盡力宜頒條令用警四循庶使九原絕抱
恨之魂千古無不歸之骨指紳人士當體茲懷應內外
文武臣寮幕職州縣官選人等今後有父母祖父母亡
歿未經遷葬其主家之長不得輒求仕進所繇司亦不
得申舉解送如是卑幼在下者不在此限其合赴舉選
者或是葬事禮畢或是卑幼在下勒于納家狀內具言
不得罔冒宜令御史臺及逐處長吏本司長官所由司
覺察糾舉違犯者當行典憲如是不切覺察縱任罔冒
罪在糾舉司其中有兵戈阻隔或是朝廷特恩除拜起
復追徵及內外官職員皆以金革從事並不拘此例所
有勅前見任職官員今年舉選人等不在糾舉之限
又十二月御史臺奏唐景雲三年改左右屯衛大將軍
爲威衛又唐高宗名治其時改治書御史爲御史中丞
諸州治中爲司馬蓋臣子上書合避名也請諸衛中舊
是屯衛者復舊名從之五代春秋壬子二年四月丙
戌朔日有食之五月庚辰帝東征戊辰次兗州城下乙
亥克兗州六月戊戌帝至自東征九月
契丹入寇朗州劉彥逐吳人復其地

三年春正月乙卯麟州刺史楊重訓叛于漢來附

五代史廣

順三年春正月壬子朔帝御崇元殿受朝賀仗衛如儀
幸太平宮起居漢太后甲寅賜羣臣射于內鞠場乙卯
武平軍兵馬留後劉言奏潭州兵戈之後焚燒殆盡乞
移使府于武陵從之詔升朗州爲大都督府在潭州之
上丙辰以武平節度使留後檢校太尉劉言爲檢校太
師同平章事行朗州大都督充武平軍節度兼三司水
陸轉運等使制置武安靜江等軍事進封彭城郡公武
平軍節度副使權知潭州軍州事檢校太傅王進達爲
檢校太尉行潭州刺史充武安軍節度使以武安軍行
軍司馬兼衙內步軍都指揮使檢校太傅何敬貞爲檢
校太尉行桂州刺史充靜江軍節度使以張儆領眉州
刺史充武平軍節度副使以朱全琇領黃州刺史充武
江軍節度副使以周行逢領集州刺史充武安軍節度
行軍司馬自進達而下皆劉言將校也邠州奏慶州畧
蕃部野雞畧奪商旅侵擾州界詔遣寧州刺史張建
武等率兵掩襲仍先賜勅書安撫如不從命卽進軍問
罪辛酉詔賜朗州劉言應兩京及諸道舊屬湖南樓店
邸第乙丑詔諸道州府繫屬戶部營田及租稅課利等
除京兆府莊宅務贍國軍榷鹽務兩京行從莊外其餘
並割屬州縣所徵租稅課引官中只管舊額其職員節

緩一切停廢應有客戶元佃繫省莊田桑土舍宇便賜
逐戶充爲永業仍仰縣司給與憑由應諸處元屬營田
戶部院及繫縣人戶所納租牛課利起今年後並與除
放所有見牛犢並賜本戶官中永不收繫云帝在民間
素知營田之弊至是以天下繫官莊田僅萬計悉以分
賜見佃戶充永業是歲出戶三萬餘百姓既得爲己業
比戶欣然于是葺屋植樹敢致功力又東南郡邑各有
租牛課戶往因梁太祖渡淮軍士掠民牛以千萬計梁
太祖盡給與諸州民輸租課自是六十餘載時移代改
牛租猶在百姓苦之至是特與除放未幾京兆府莊宅
務及權監務亦歸州縣依例處分或有上言以天下繫
官莊田甚有可惜者若遺貨之當得三十萬緡亦可資
國用帝曰苟利于民與資國何異丁卯戶部侍郎權知
貢舉趙上交奏諸科舉人欲等第各加對義場數進士
除詩賦外別試雜文一場從之兩浙弔祭使左諫議大
夫李知損責授登州司馬員外置仍令所在馳驛放遣
知損銜命江浙所經藩郡皆強貸于侯伯爲青州知州
張凝所奏故有是命己巳幸南莊臨水亭見雙鳬戲于
池上帝引弓射之一發疊貫從臣稱賀庚午以前邠州
節度使侯章爲鄧州節度使前萊州刺史葉仁魯陽死

坐爲民所訟故也幸未詔樞密使王峻巡視河隄謔謂
行故從之幸已幸南莊五代會要周廣順三年正月
戶部侍郎權知貢舉趙上交奏進士元試詩賦各一首
帖經二十帖對義五道今欲罷帖經對義別試雜文二
首試策一道從之玉壺清話仁宗讀五代史至周高
祖幸南莊臨水亭見雙兒戲于池出沒可愛帝引弓射
之一發登貫從臣稱賀仁宗掩卷謂左右曰逞藝傷生
非朕所喜也內臣鄭昭信掌內養十五年嘗面誠曰動
活之物不得擅閏月丙戌回鶻使獨呈相溫來閏五月
烹深惡于殺也閏月丙戌回鶻使獨呈相溫來閏五月
甲申朗州劉言潭州王進逵奏廣賊占據桂管深入永
州界俘刼遺朗州行軍司馬何敬真與指揮使朱全
陳順等率水陸軍五萬進擊丙戌回鶻遣使貢方物詔
故梁祖庸使趙巖姪崇勳見居陳州量賜繫官店宅從
王峻之請也幸卯定州奏契丹攻義豐軍出勁兵夜斫
蕃營斬首六十級契丹遁去甲午鎮州奏契丹寇境遣
兵追襲至無極而還丙申皇子澶州節度使榮來朝壬
寅以樞密使尚書左僕射同平章事監脩國史王峻兼
青州節度使餘如故延州衙內指揮使高紹基奏言父
允權忠脚膝令臣權知軍州事癸卯陳州奏吏民請與

前刺史李穀立祠堂從之時穀爲宰相問郡人陳請遜讓數四乃止甲辰鄴都留守王殷加檢校太尉依前同平章事丙午鎮州節度使何福進河陽節度使王彥超並加檢校太尉潞州節度使李筠加檢校太傅丁未延州節度使高允權卒己酉開封府奏都城內二月甲子錄到無名額僧尼寺院五十八所詔廢之貶王峻爲商州司馬五代史二月辛亥朔以前西京留守白文珂爲太子太師致仕進封韓國公癸丑安州節度使李洪義侍衛馬軍都指揮使郭崇侍衛步軍都指揮使曹英並加檢校太尉唐州方城縣令陳守恩棄市坐尅留戶民蠶鹽一千五百斤入己也丙制國寶兩座詔中書令馮道書寶文其一以皇帝承天受命之寶爲文其一以皇帝神寶爲文按傳國寶始自秦始皇令李斯篆之歷代傳授事具前史至唐末帝自燔之際以寶隨身遂俱焚焉晉高祖受命特置寶一座開運末契丹犯關少帝遣其子延煦齎送于契丹主誅其非眞少帝上表具訴其事及契丹北歸齎以入蕃漢朝二帝未暇別製至是始創爲之庚中遣將作監李瓊知陝州軍州事甲子樞密使平盧軍節度使尙書左僕射平章事監脩國史王峻責授商州司馬買外

置所在馳驛發遣戊辰左監門上將軍李建崇卒延州
牙內都指揮使高紹基奏交割軍府與副使張圖已
所州劉言奏當道先遣行軍司馬何敬真率兵掩擊廣
賊行及潭州部衆奔潰湖南王進遠以敬真失律已梟
首訖以樞密直學士工部侍郎陳觀爲秘書監王申鳳
翔少尹桑能責授鄧州長史能晉相維翰之庶弟也坐
據維翰別第爲人所訟故也癸酉以戶部侍郎知貢舉
趙上交爲太子詹事是歲新進士中有李觀者不當策
名物議誼然中書門下以觀所試詩賦失韻勾落姓名
故上交移官丁丑幸南莊賜從官射命客省使向訓權
知延州軍州事五代會要周廣順三年二月內司製
國寶兩生詔太常具制度以聞有司奏按唐六典符寶
郎掌天子八寶其一曰神寶其二曰受命寶其神寶方
六寸高四寸六分厚一寸七分蟠龍紐文與傳國寶同
傳國寶秦始皇帝以藍田玉刻之李斯篆文方四寸面
文曰受命于天既壽永昌紐盤五龍二寶歷代相傳以
爲神器又別有六寶一曰皇帝行璽二曰皇帝之璽三
曰皇帝信璽四曰天子行璽五曰天子之璽六曰天子
信璽此六寶因文爲名並白玉螭虎紐歷代相傳亡則
補之北朝鑄之以金至則天朝以璽字涉嫌改之爲寶

貞觀十六年別製元璽一坐其文曰皇天景命有德者昌白玉螭虎紐同光中製寶一坐文曰皇帝神寶其同光天福二
晉天福四年製寶一坐文曰皇帝神寶其同光天福二
寶內司製造不見紐象并尺寸製度勅今製寶璽兩坐
宜用白玉方六寸螭虎紐詔馮道書寶文其一以皇帝
承天受命之寶為文其一以皇帝神寶為文按傳國寶
自秦始皇後歷代傳授至唐末年自燔之際以寶隨身
然焉晉高祖受命特置寶一坐開運末契丹犯闕少帝
遣其子延煦送于契丹太宗訝其非直少帝上表具述
其事及契丹北歸齎以入蕃漢朝二帝未暇別製至是
始創為之文獻通考周廣順三年二月丙子司製國寶
兩坐詔太常具制度以聞有司奏云云按傳國寶自秦
始皇後歷代傳授至唐末年自燔之際以寶隨身焚焉
晉高祖受命特製寶一座開運末北戎犯闕少帝遣其
子延煦送于戎主戎主訝其非直少帝上表具述其事
及戎主北歸齎以入蕃漢朝二帝未暇別製至是始刻
之三月甲申封榮為晉王原注不書子者榮于禮不得
又不書者周丙戌鄭仁誨罷己丑棣州團練使王仁鎬
人所共諱

爲右衛大將軍樞密副使

五代史廣順三年春三月庚辰朔以相州留後白重贊爲

滑州節度使以鄭州防禦使王進爲相州節度使以前

兗州防禦使索萬進爲延州節度使以亳州防禦使張

鐸爲同州節度使甲申以皇子瀆州節度使榮爲開封

尹兼功德使封晉王仍令所司擇日備禮冊命丙戌以

宣徽北院使兼樞密副使鄭仁誨爲澶州節度使以殿

前都指揮使李重進領潤州防禦使以客省使向訓爲

內客省使已丑以棣州團練使王仁鎬爲右衛大將軍

充宣徽北院使兼樞密副使庚寅端明殿學士尙書兵

部侍郎顏衍落職守本官以翰林學士中書舍人王溥

爲戶部侍郎充職以左司郎中充樞密直學士景範爲

左諫議大夫充職秘書監陳觀責授左贊善大夫留夏

司西京坐王峻黨也癸巳大風雨土戊申幸南莊夏

五代史夏四月甲寅禁沿邊民戶鬻兵仗與蕃人戊辰

河中節度使王景移鎮鳳翔宋州節度使常思進移鎮

青州鳳翔節度使趙暉移鎮宋州河陽節度使王彥超

移鎮河中賜朗州劉言綰三百匹以兵革之後匱乏故

也詔在京諸軍將士持支救接五月己卯朔帝御崇元

殿受朝仗衛如儀辛巳前慶州刺史郭彥欽勒歸私第

國初以彥欽再刺慶州兼掌榷鹽彥欽擅加榷錢民夷
流怨州北十五里寡婦山有蕃部曰野雞族彥欽作法
擾之蕃情曠悍好爲不法彥欽乃奏野雞族掠奪綱商
帝遣使齎詔撫諭望其率化蕃人既苦彥欽貪政不時
報命朝廷乃詔邠州節度使折從阮寧州刺史張建武
進兵攻之建武勇于立功徑取野雞族帳擊殺數百人
又殺牛族素與野雞族有憾且聞官軍討伐相聚餉饋
欣然迎奉官軍利其財貨孳畜遂劫奪之翻爲族所誘
至包山負險之地官軍不利爲蕃人迫逐投崖墜澗而
死者數百人從阮等以兵自保不相救援帝怒彥欽及
建武俱罷其任及彥欽至京師故有是命丁亥新授青
州節度使常思進在宋州日出放得絲四萬一千四百
兩請徵入官詔宋州給還人戶契券其絲不徵甲午中
書侍郎同平章事集賢殿大學士權判門下省事范質
權監脩六月大雨水五代史六月壬子滄州奏契丹幽
國史臺軍事張藏英以木軍兵士及職員戶人孳畜七千頭
口歸化癸丑以前開封尹楚國公侯益爲太子太師以
前西京留守莒國公王守恩爲左衛上將軍甲寅以前
軍節度使李洪信爲左武衛上將軍甲寅以前衛上將

軍宋彥筠爲太子少師以太子少師楊凝式爲尙書右
僕射致仕癸亥前河陽節度使王繼宏卒已巳太子太
傅李懷忠卒是月河南河北諸州大水霖雨不止川岐
漲溢襄州漢水溢入城深一丈五尺居民皆乘筏登樹
羣鳥集潞州河南無鳥五代會要周廣順三年六月
尙書左丞兼判國子監事田敏進印板九經書五經文
字九經字樣各二部一百三十冊冊府元龜周田敏
爲尙書左丞兼判國子監事廣順三年六月敏獻印板
書五經文字五經字樣各二部一百三十冊策奏曰臣等
自長興三年較勘雕印九經書籍經注繁多年代殊貌
傳寫紕繆漸失根源臣守官膠庠職司較定旁求援據
上備雕鏤幸遇聖朝克終盛事播文德于有載傳世教
以無窮謹具陳進先是後唐宰相馮道李愚重經學因
言漢時崇儒有三字石經唐朝亦有國學刊刻今朝廷
日不暇給無能別有刊立嘗見吳蜀之人鬻印板文字
色類絕多終不及經典如經典較定雕摹流行深益于
文教矣乃奏聞勅下儒官田敏等考較經注敏于經注
長于詩傳攷攷刊正援引證據聯爲篇卷先經奏定而
後雕刻乃分政事堂厨錢及諸司公用錢又納及第舉
人禮錢以給工人容齋續筆唐正觀中魏證虞世南

顏師古繼爲秘書監請募天下書選五品以上子孫工
書者爲書手繕寫予家有舊監本周禮其末云大周廣
順三年癸丑五月雕造九經書畢前鄉貢三禮郭煥書
列宰相李穀范質判監田敏等銜于後經典釋文末云
顯德六年己未三月太廟室長朱延熙書宰相范質王
溥如前而田敏以工部尙書爲詳勘官此書字畫端嚴
有楷法更無舛誤舊五代史漢隱帝時國子監奏周禮
儀禮公羊穀梁四經未有印版欲集學官考校雕造從
之正尙武之時而能如是蓋至此年而成也成都石本
諸經毛詩儀禮禮記皆秘書省秘書郎張紹文書周禮
者秘書省校書郎孫朋古書周易者國子博士孫逢吉
書尙書者校書郎周德政書爾雅者簡州平泉令張德
昭書題云廣政十四年蓋孟昶時所鐫其字體亦皆精
謹兩者並用士人筆札猶有正觀遺風故不庸俗可以
傳遠唯三傳至皇祐元年方畢工殊不逮前紹興中分
命兩淮江東轉運司刻三史板其兩漢書內凡欽宗諱
並小書四字曰淵聖御名或徑易爲威字而它廟諱皆
只缺畫思而自用爲可笑也獨三傳後列知益州樞密
直學士右諫議大夫田況銜大書爲三行而轉運使直
史館曹穎叔提點刑獄屯田員外郎孫長卿各細字一

行又差低干況今雖執政秋七月契丹盧臺軍使張藏
作牧監司亦與之雁行也戊寅朔徐州言龍出豐縣村民
英來奔五代史秋七月戊寅朔徐州言龍出豐縣村民
孫卒甲申鄴都王殷奏乞朝覲八三上章允之尋以北
邊奏契丹事機詔止其行以左金吾上將軍張從恩為左金
太子太師致仕丁亥以右金吾上將軍張從恩為左金
吾上將軍以前鄧州節度使張彥成為右金吾上將軍
己丑以虎捷左廂都指揮使永州防禦使韓通為陝州
留後庚寅太府卿判司天監趙延又卒辛卯以前西京
副留守盧價為太子賓客乙未以御史中丞邊光範為
禮部侍郎以刑部侍郎張煦為御史中丞以翰林學士
承旨尚書禮部侍郎徐台符為刑部侍郎充職丙申太
子太師致仕安審信卒丁酉詔曰京兆鳳翔府同華邠
延鄜耀等州所管州縣軍鎮頃因唐末藩鎮殊風久厯
歲時未能釐革政途不一何以教民其婚田爭訟賦稅
丁徭合是令佐之職其擒姦捕盜庇護部民合是軍鎮
警察之職今後各守職分專切提擻如所職疎遺各行
按責其州府不得差監徵軍將下縣戍戍衛尉少卿李
溫美責授房州司戶參軍溫美奉使祭海便道歸家

在壽光縣爲縣吏馮勳所訟故黜之供奉官武懷贊棄
市坐盜馬價入已也壬寅以鴻臚少卿趙脩已爲司天
監八月己酉幸南莊丙辰內衣庫使齊藏珍除名配沙
門島藏珍奉詔脩河不于役所部轄私至近縣止宿及
報隄防危急安寢不動遂至橫流故有是責庚申邢州
節度使劉詞移鎮河陽辛酉以龍捷左廂都指揮使閻
州防禦使劉景咸爲邢州留後丁卯河決河陰京師霖
雨不止給賜諸軍將士薪芻有差癸酉翰林學士戶
部侍郎王溥爲端明殿學士甲戌潭州王逵奏朗州劉
言與淮賊通連差指揮使鄭玟部領兵士欲併當道鄭
玟爲軍衆所執奔入武陵劉言尋爲諸軍所廢臣已至
朗州安撫訖詔劉言勒歸私第委王逵取便安置是月
所在州郡奏霖雨連綿漂沒田稼損壞城郭廬舍五
代會要周廣順三年七月京城居民晁緒等爲永壽節請
各于門首齋僧燃燈三晝夜從之冊府元龜三年七
月京城居民晁緒等言以永壽節各于門首齋僧燃燈
三晝夜從之乙巳永壽節太祖御永福殿羣臣上壽
賜將相大臣禁軍大將等衣有差羣臣赴僧寺齋設九
月吐渾党富達等來五代史九月已卯太子少保盧損

卒丁酉深州上言樂壽縣兵馬都

監杜延熙爲戍兵所害先是齊州保寧郡兵士屯于樂
壽都頭劉彥章等殺延熙爲亂時鄭州開道指揮使張
萬友亦屯于樂壽然不與之同朝廷急遣供奉官馬諤
省其事諤乃與萬友擒彥章等十三人斬之餘衆奔齊
州是月多陰曉木再華五代會要周廣順三年九月
勅入厚載門內向東橫街東地房宇宣令宏文館集賢
院于此分劈厠署冊府元龜廣順三年九月勅入厚
載門內向東橫街東北屋宇宣令宏文館史館集賢等
三館于此冬十月庚申馮道爲奉迎神主使五代史冬
朔詔以來年正月一日有事于南郊諸道州府不得以
進奉南郊爲名輒有率歛己酉右金吾上將軍張彥成
卒庚戌以前同州節度使薛懷讓爲左屯衛上將軍以
尙書左丞兼判國子監田敏權判太常卿以禮部尙書
王易權兵部尙書太常奏郊廟社稷壇位制度請下所
司脩奉從之以中書令馮道爲南郊大禮使以開封尹
晉王榮爲頓遞使權兵部尙書王易爲鹵簿使御史中
丞張煦爲儀仗使權判太常卿田敏爲禮儀使以前潁
州防禦使郭瓊爲權宗正卿甲寅以前光祿卿丁知浚
復爲光祿卿丙辰幸南莊西莊己未前寧州刺史張建

武責授右司禦副率以野雞族失利故也以前翰林學
士工部侍郎魚崇諒為禮部侍郎充翰林學士時崇諒
解職于陝州就養至是再除禁職仍賜詔召之令本州
給行裝鞍馬侍親歸朝以太子賓客張昭為戶部尚書
以太子賓客李濤為刑部尚書詔中書令馮道赴西京
迎奉太廟神主甲子中書令馮道率百官上尊號曰聖
明文武仁德皇帝答詔不允凡三上章允之仍俟郊禮
畢施行壬申鄴都邢洺等州皆上言地震鄴都尤甚
十一月癸未党項使吳帖磨五等來已廢共城稻田務
任人佃蒔乙酉日南至帝不受朝賀庚寅鎮州節度使
何福進奏乞朝覲三奏允之詔侍衛步軍都指揮使曹
英權知鎮州軍府事癸巳以將作監李瓊為濟州刺史
壬寅詔重定天下縣邑除畿赤外其餘三千戶已上為
望縣二千戶已上為緊縣一千戶已上為上縣五百戶
已上為中縣不滿五百戶為中下縣文獻通考周廣
順三年十一月
月雨木冰
十二月戊申四廟神主至自西京迎之于
西郊祔于太廟壬申殺天雄軍節度使王殷乙亥享于

太廟

五代史十二月戊申雨木冰是日四廟設奠安神主至西

壬子前單州刺史趙鳳賜死坐爲民所訟故也甲申詔

諸道州府縣鎮城內人戶舊請蠶鹽徵價起今後並停

甲子鎮州府節度使何福進來朝乙丑鄴都留守王殷來

朝丙寅禮儀使奏皇帝郊廟行事請以晉王榮爲亞獻

通攝終獻行事從之己巳左補闕王伸停任生檢田于

亳州虛懸紐配故也辛未鄴都留守侍衛親軍都指揮

使王殷削奪在身官爵長流登州尋賜死于北郊其家

人骨月並不問罪癸酉帝宿齋于崇元殿爲末年正月

一日親祀南郊也時帝已不豫甲戌宿于太廟乙亥賀

明帝親饗太廟自齋宮乘步輦至廟庭被衮冕令近臣

翼侍陞階止及一室行禮俛首而退餘命晉王率有司

終其禮是日車駕赴郊官冊府元龜周趙鳳爲單州

刺史太祖廣順三年十二月御史臺奏鳳在任日殘虐

百姓非理科率十六事勅趙鳳驟承委寄合稟憲章臨

民不利于撫綏率性但聞于兇暴恣准巡寇當年之殘

州戶之資財招納賊徒搔擾生聚爾不奉法國有常刑

其趙鳳宜削奪在身官爵賜自盡五代春秋癸丑三

年正月以戶部田賜民二月誅王峻六月大水十二月
誅王殷文獻通考周廣順三年西天竺僧薩滿多等
十六族來貢名馬

顯德元年春正月丙子朔有事于南郊大赦改元五代會要

周太祖南郊一顯德元年正月一日冊府元龜顯德

元年春正月乙未祀圓丘禮畢御明德殿大赦改元

羣臣上尊號曰聖明文武仁德皇帝五代會要顯德元

號曰聖明文武仁德皇帝文獻通考周太祖顯德元

年軍士有流言郊賞薄于唐明宗時帝詔諸將至寢殿

讓之曰朕自即位以來惡衣菲食專以贍軍為念府庫

蓄積四方貢獻贍軍之外鮮有贏餘汝輩豈不知之今

乃縱凶徒騰口不顧人主之勤儉察國之貧乏又不思

己有何功而受賞惟知怨望于汝輩安乎皆惶恐謝罪

退索不逞之徒戊寅罷鄴都丙戌鎮寧軍節度使鄭仁

戮之流言乃息

誨為樞密使壬辰端明殿學士戶部侍郎王溥為中書

侍郎同中書門下平章事

東都事畧王溥字齊物并州

科李守貞據河中趙思綰反京兆王景崇亂鳳翔周太

祖將兵討三叛以溥為從事三叛既平朝士及藩鎮嘗

以書往來詞意涉于悖逆者太祖籍其名欲按之溥諫

曰魑魅伺夜而出日月既照則氛沴消矣請焚之以安

反側太祖從之太祖將大漸促召學士草制以溥為中

書侍郎同中書門下平章事已宣制太祖曰吾無恨矣

世宗嘗問漢相李崧蠟彈書結北虜有記其辭者否溥

曰使崧有此肯示人耶蘇逢吉輩陷之爾世宗遂優贈

崧官世宗將討秦鳳溥薦向拱遂平之世宗因宴酌扈

酒賜之曰成吾邊功卿擇帥之力也恭帝即位加尚書

右僕射續長編左僕射王溥數勸其父宿州防禦使

王祚請老祚不得已乃上章且意朝廷未之許也已未

以祚為右領軍衛上將軍致仕祚大罵溥曰我筋力未

衰汝欲自固名位而幽囚我大挺擊之親戚勸解乃止

王仁鎬罷是日皇帝崩于滋德殿

原注上年五十二書是

五代史顯德元年春正月丙子朔帝親視園丘禮畢

順四年爲顯德元年自正月一日昧爽已前應犯罪人
常赦所不原者咸赦除之內外將士各優給文武職官
並與加恩內外命婦並與進封寺監攝官七周年已上
者同明經出身今後諸寺監不得以白身署攝升朝官
兩任已上著綠十五周年與賜緋著緋十五年與賜紫
州縣官曾經五度參選雖未及十六考與授朝散大夫
階年七十已上授優散官賜緋應奉郊廟職掌人員並
與恩澤今後不得以梁朝及清泰朝爲僞朝僞主天下
帝王陵廟及名臣墳墓無後官爲檢校云官赦畢帝御
崇元殿受冊尊號禮畢羣臣稱賀時帝郊祀御樓受冊
有司多畧其禮以帝不豫故也先是帝嘗言鎮星在
氏房乃鄭宋之分當京師之地兼氏宿主帝王路寢若
散財以致福遷幸以避災庶幾可以驅禳矣帝以遷幸
煩費不可輕議散財可矣故有郊禋之命泊歲暮帝疾
增劇郊廟之禮益勉而行之耳戊寅詔廢鄴都依舊爲
天雄軍大名府在京兆府之下庚辰制皇子開封尹晉
王榮可開府儀同三司檢校太尉兼侍中行開封尹功
德使判內外兵馬事襄州安審琦進封陳王鄆州符彥
卿進封衛王移鎮天雄軍荆南高保融進封南平王夏
州李彝興進封西平王甲申宋州趙暉進封韓國公青

州常思進封萊國公徐州王晏進封滕國公鄧州侯章
進封申國公西京武行德進封譙國公許州郭從義加
檢校太師鳳翔王景進封褒國公華州孫方諫進封
國公自趙暉已下並加開府儀同三司乙酉分命朝臣
往諸州開倉減價出糶以濟饑民詔潭州依舊爲大都
督府在朗州桂州之上丙戌以澶州節度使鄭仁誨爲
樞密使加同平章事鄜州楊信加開府儀同三司改封
杞國公邠州折從阮加開府儀同三司改封鄭國公滄
州李暉加檢校太尉以陳州節度使兼侍衛馬軍都指
饒加檢校太尉以陳州節度使兼侍衛馬軍都指揮使
郭崇爲澶州節度使加同平章事以曹州節度使兼侍
衛步軍都指揮使曹英爲鎮州節度使加同平章事譚
州王逵加特進兼侍中河陽劉詞加檢校太尉河中王
彥超加同平章事以鎮州節度使何福進爲鄆州節度
使加同平章事潞州李筠加同平章事戊子晉州藥元
福滑州白重贊相州王進同州張鐸並加檢校太傅以
延州節度使索萬進爲曹州節度使加檢校太傅定州
留後孫行友邢州留後田景咸陝州留後韓通靈武留
後馮繼業並正授節度使庚寅夜東北有大星墜其聲
如雷壬辰宰臣馮道加守太師范質加尙書左僕射監

脩國史李穀加右僕射集賢殿大學士以端明殿學士
尙書戶部侍郎王溥爲中書侍郎平章事司徒竇貞固
進封許國公司空蘇禹珪進封莒國公並加開府儀同
三司以宣徽南院使知永興軍府事袁義爲延州節度
使以宣徽北院使兼樞密副使王仁鎬爲永興軍節度
使以前安州節度使王令溫爲陳州節度使以殿前都
指揮使泗州防禦使李重進爲武信軍節度使檢校太
保典軍如故以龍捷左廂都指揮使睦州防禦使樊愛
能爲侍衛馬軍都指揮使果州防禦使何徽爲侍衛步軍都
虎捷左廂都指揮使使果州防禦使何徽爲侍衛步軍都
指揮使利州節度使加檢校太保以樞密丞旨魏仁浦
爲樞密副使是日巳時帝崩于滋德殿聖壽五十魏仁
不發喪乙未遷神樞于萬歲殿召文武百官班于殿廷
宣遺制晉王榮可于樞前卽皇帝位服紀月日一如舊
制云是歲自正月朔日後景色昏晦日月多暈及嗣君
卽位之日天氣晴朗中外肅然帝自郊禋後其疾乍瘳
乍劇晉王省侍不離左右累論晉王曰我若不起此疾
汝卽速治山陵不得久留殿內陵所務從儉素應緣山
陵役力人匠並須和雇不計近遠不得差配百姓陵寢
不須用石柱費人功只以輓代之用瓦棺紙衣臨入陵

之時召近稅戶三十家爲陵戶下事前揭開瓦棺遍視
過陵內切不得傷他人命勿脩下宮不要守陵宮人亦
不得用石人石獸只立一石記子鐫字云大周天子臨
晏駕與嗣帝約緣平生好儉素只令著瓦棺紙衣葬若
違此言陰靈不相助又言朕攻收河府時見李家十八
帝陵園廣費錢物人力並遭開發汝不問漢文帝儉素
葬在霸陵原至今見在如每年寒食無事時卽仰量事
差人灑掃如無人去只遙祭兼仰于河府魏府各葬一
副劍甲澶州葬通天冠絳袍東京葬一副平天冠袞龍
服千萬千萬莫忘朕言二月甲子太常卿田敏上尊謚
曰聖神恭肅文武孝皇帝廟號太祖四月乙巳葬于嵩
陵宰臣李穀撰謚冊文王浦撰哀冊文云史臣曰周太
祖昔在初潛未聞多譽泊西平蒲阪北鎮鄴臺有統御
之勞顯英偉之量族屬漢道斯季天命有歸總虎旅以
盪神京不無慙德攬龍圖而登帝位遂闡皇風期月而
弊政皆除逾歲而羣情大服何遷善之如是蓋應變以
無窮者也所以魯國兕徒望風而散并門遺孽引日偷
生乃鼎駕之將昇命瓦棺而薄葬勤儉之美終始可稱
雖享國之非長亦開基之有裕矣然而二王之誅議者
譏其不能駕馭權豪傷于猜忍卜年斯促抑有由焉

五代會要顯德元年正月追封山南東道節度使南陽
王安審琦為陳王淮南王符彥卿為衛王隴西郡尹李
彝殷為西平王 又元年正月十七日崩于大內之滋
德殿年五十一其年四月十三日葬嵩陵在鄭州新鄭
縣諡曰聖神恭肅文武孝皇帝廟號太祖哀冊文中書
侍郎平章事王溥撰諡冊文右僕射平章事李穀撰諡
議太常卿田敏撰年號二廣順盡三年顯德盡元年宰
相七人馮道實貞固蘇禹珪王峻范質李穀王溥使相
四十二人高保融錢宏俶高行周安審琦符彥卿李穀
殷馮暉王峻李洪義白文珂慕容彥超趙暉高允權侯
益武行德王晏張彥威常思侯章史匡懿李從敏薛懷
讓王繼宏王景郭從義孫方諫王守恩李暉扈彥珂折
從阮劉訓郭勳楊信何福進李宏信劉言郭崇李筠鄭
仁誨曹英王彥超王逵 五代春秋甲寅顯德元年正
月丙子朔帝祀上帝于圓丘改元帝不豫壬辰帝崩于
滋德殿 南宮靖一周太祖論周興于郭威威兩殺其
君篡取大位得國之初罷貢獻珍食碎後宮寶器詔百
官上封事又謁孔子祠躬拜其墓當此亂離之際善政
迭書況有王峻以贊軍事有范質以守法度有李穀以
導主意雖享國日淺而施為有足稱者先儒稱其為唐

明周世之亞蓋以此耳然帝既已文身甘心從夷而又
偃然自處天位身體髮膚受之父母雖小人亦以毀傷
爲忍而帝曾無忤容則是黃屋之中居一黥人耳何以
令天下衆庶乎觀帝語劉崇曰自古豈有花項天子則
帝之自處亦甚明矣世宗以柴氏子入繼大統卽位之
初憤然欲平天下蓋念亂甚而望治切真中原之主也
首誅樊何以正軍法革五十年之弊政遂能變弱爲彊
因敗爲功乘勝逐北至于太原歸而簡兵整衆銳意進
取于是南割江西北克秦鳳北取三關威武之聲震響夷
夏應機發策出人意表其伐南唐問計李穀復克淮南
盛穀疏以錦囊寘之座右英武之材可謂雄傑又勤于
爲治發奸摘伏聰明如神有司簿籍過目不忘且與王
處訥寶儼之徒脩通禮正刑統制度文爲皆可施之後
世而又以信令御羣臣以正義責隣國王環以不降受
賞劉仁贍以堅守蒙褒張美以私恩見疎嚴續以盡忠
獲存蜀兵以反覆就誅馮道以失節見棄此其好惡固
不凡矣況當是時王朴寔佐之其君臣相得近世以來
未之有也是以卽位之明年廢天下佛寺三千三百八
十六以佛像鑄錢嘗夜讀書見唐元稹均田圖乃詔頒
圖法于天下使吏民先習知之期以一歲大均天下之

田其規模豈小小哉亦是注意元元留心邦本于五代
十二君之中獨稱為最漕運給耗慮倍輸也保任令錄
防貪穢也冬役春罷恐妨農也立兩稅法知早徵之為
害也設科取士知吏治之有方也併鄉置團耆絕公皂
之侵漁也積貸不責償欲下沾寔惠也親臨御苑以錄
囚徒恐獄多冤民也嘗與將相言曰連日之寒朕深愧
無功于民而坐享天祿惟親冒矢石與百姓除害差可
自安耳又命刻木為農夫織婦置諸殿廷以示務農重
本之意亦可謂賢主矣獨惜其左右無勤學之臣欠格
心事業故于人道之間亦未免多有悖戾者又其用法
太酷羣臣職事小有不舉往往真之極刑畧無顧惜之
意薛居正舊史悉書而備載之以見其不能不為盛德
之累良可恨夫恭帝以區區孺子纂承大統不足以為
皇天之眷命然真人之德業日隆已為天下所歸戴則
其重負安得而不釋乎文獻通考周太祖實錄三十
卷陳氏曰張昭等撰顯德五年上昭即昭遠字潛夫濮
上人避漢祖諱止稱昭逮事本
朝為吏部尚書開寶五年卒

五代史記卷第十一下